

CHIUTA KUJIMANYISKANGA

IYOMWENE NA

VYAKUCHITIKA VYAKE



Ine nanguwa ngati ndazizwa waka kuwona mubwezi wane, Joseph Boze, uko, ndipo ine nangung'anamuka ndipo nangutola kanyengo kachoko kukolako chasa chake.

² Tiyeni ise tijure sono mu Mazgu gha Chiuta, ku Wâhebere, chipatulo 1. Ine nkhukhumba kuti ndi wazge, ku chigaŵa, 1, 2, na vesi 3, kuti titolepo mutu wa usiku.

Chiuta, uyo mu nyengo zakale na malo ghakupambanapambana wakayowoya mu nyengo zakale ku wasekuru kwizira mu waprofeti,

Wayowoyaso mu mazuiwa agha ghaumaliro kwa ise kwizira mwa Mwana wake, uyo iyo wali kumusankha kuwa muhaliri wa vinthu vyose, mwa mweneuyoso iyo wakapanga vyaru;

Uyo pakuwa mu kugadima kwa uchindami wake, na chikozgo chakuwonekera cha umunthu wake, mazgu gha nkhongono zake, ndipo wakufighirira vinthu vyose na mazgu gha nkhongono zake, apo iyo wakaŵa . . . wakakhala pasi ku woko lamaryero la Chikurukuru wa kuchanya nkhanira;

³ Tiyeni ise tisindamiske mitu yithu sono kuti tirombe. Ndipo sono mu Kuwapo Kwake Kwazimu, usange imwe muli na chakupempha chirichose imwe mukukhumba kuti chimanyikwe kwa Iyo, uli imwe mukwezge waka woko linu, ndipo icho ndi chakupempha chinu, icho Chiuta wanga . . .

⁴ Wadada withu Wakuchanya, ise tikwiza sono panthazi pa chizumbe Chinu, mwa chipulikano mu Zina la Yesu Khristu, Mwana Winu. Ndipo ise tapika chisimikizgo ichi, chakuti, "Usange ise taromba chirichose mu Zina Lake, ichi chipikenge." Ndipo Imwe mukumanya vyakukhumba vithu na vyakusoŵeka vithu, ndipo Imwe muli kulayizga kuti Imwe muperekenge vyose ivyo ise tikusoŵeka. Ntheura, Wadada, ise tikuromba umo Imwe mukatisambizgira ise, "Ufumu Winu wize. Kukhumba Kwinu kuchitike mu charu chapasi, umo kuliri Kuchanya." Kutu chakupempha chithu, usiku uwu, chingamanya kuwa chakulingana na kukhumba Kwinu kuti mupereke ichi, ndipo perekani kwa ise myawi iyi. Phakazgani Mazgu, Fumu, na wose wakuyowoya na wakupulikizga, ndipo nkhuromba Mzimu

Mutuwa wanjire ndipo waŵe wakuchita Mazgu, usiku uwu, pakati pithu. Pakuti ise tikurumba ichi mu Zina Lake. Amen.

Imwe khalani pasi.

⁵ Namachero mlenji, ine ndaphalirika, ndi chakurya chamlenji cha wa Full Gospel Business Men. Nyengo zinandi, uko iwo wali na chigaŵa, ine nkhuwa na mwaŵi wa kuyowoyanga pa chakurya chawo cha mlenji. Kufika nyengo iyi, ili ndi bungwe lekha pera, ilo nthu ndi bungwe, kweni, gulu lekha pera ilo ine—ine ndilimo, ndi Christian Business Men. Ndipo sono ine nkhuwapharazgira waka iwo, vyaru vyose.

⁶ Sono, usiku uwu, ise tikugomezga kuti kuwungana uku nthu kuwenge kwa pawaka. Ine ndafika kwa imwe, wakuvuka, chigolomiro chapereseke, ndipo ndapokera mankhwala pachoko ghachikhoso kufuma . . .

⁷ Ine ndafumira ku Tucson uko nkhuweme nadi ndipo nkhwakomira, ndipo ine ndafika kuno ndipo nkhuweme nadi ndipo kwachinyezi, nthura pali mphambano yikuru. Usange imwe muli na maji ghose kudera kuno, usange imwe mungatitumizgirako waka agha kudera kwithu, ise tingawonga ichi. Kweni imwe mungachita chara icho, nkhumanya.

⁸ Kweni ine nkhumuphalirani imwe chinthu chimoza, kuli ntharika kula. Vithu vyose vya—vithu—vinthu vithu mu Arizona, makuni ghithu, ngakuzura na vyakulasa. Chirichose chiri na chakulasa. Ndi chifukwa chakuti ndi kwakomira. Sono usange khuni lenelira likamera kudera kuno, ili lingamanya kuwa hamba liweme lakutowa. Wonani, ili lirije maji, ndicho chifukwa ili likuwa lakulasa.

⁹ Ndipo para mpingo waŵa wambura Maji gha Umoyo, uwu ukomira ndipo ukulasa, nawoso, kulasanga na kupwetekanga chirichose. Kweni uko maji gha Umoyo ghakwenda, igho ghakujura hamba na kulipanga ili lakulipwituka, lakuskerereka ndipo liweme, lituwa ndipo lakupokerereka kwa Chiuta. Nthura mphanyi Fumu Chiuta watithilire ise, usiku uwu, mwakuti nthu ise tingawanga wakulasa; kweni ise tiwe mahamba ghaweme mwakuti wanthu wambura kupulikira wangamanya kukhala kusi kwa khuni kwa mufwiri withu na kusanga kupumura ku mauzima ghawo.

¹⁰ Sono ine nkhuukhumba kuti nditore mutu, usiku uwu, usange Fumu yazomerezga, ndipo ine nkhuuzira mayikulofoni yichoko iyi kufupi waka umo ine ningachitira, chifukwa cha kumara kwa mazgu. Ine nkhuukhumba kuti, kufuma pa kuwerenga umu mu Waheberere 1:1, ine nkhuukhumba kuti nditorepo mutu wakuti: *Chiuta Kujimanyiskanga Iyomwene Na Vyakuchitika Vyake*. Nkhuromba ine ndiwerezgepo icho kamozaso, chifukwa ine nkhumanya vyakukwezgera mazgu ivi viri makora chara muno. Chiuta kujimanyiskanga Iyomwene na vyakuchitika Vyake.

¹¹ Sono, pafupifupi chirichose chikumanyikwa na vyakuchitika vyake. Ndipo ine ndiri na Malemba ghachoko apa agho ine nkhukhumba...na chakulemba, icho ine nkhukhumba kuti ndiyowoyepo. Sono, chakuchitika cha chirichose chikumanyiska ichi ichi chiri.

¹² Sono, ngati mu chilengiwa chose, maluwa ghakumanyikwa, nyengo zinandi, na makhaliro ghawo. Usange iwo ghali kulundana pamoza chomene, gha mtundu umoza ku unyake, makhaliro gha luwa lira ghamanyiskenge icho luwa ili liri. Ndipo mu vyamoyo vyakuthengere, nyengo zinandi. . .

¹³ Ine, ine ndine chiwinda. Ndipo imwe mukwenera kuti mumanye vyakuchitika vya chinyama icho imwe mukuzengera, panji nyengo zinyake imwe nadi mungamanya kupusikika. Mwa chiyerezgero, ngati Stone Sheep uko mu British Columbia. Ine nkha wa waka ku Yukon nyengo yajumpha iyi, wabale wangapo kuno sono waka wa nane, ndipo ise tikazengera.

¹⁴ Sono usange imwe ntha mukayimanya mphambano, para imwe mukarondezanga mberere panji nyiska, imwe ntha mungamanya kuphara mphambano pekhapekha imwe muka wa chiwinda wakuchenjera. Chifukwa, izo zikupanga mtundu wakuyana wa nthowa; izo zikuduka para zikuchimbira. Ndipo pamanyuma imwe mukuwona yimoza yayimirira patali, na mutu wake wakubisika, chifukwa, imwe—imwe ntha mungamanya mphambano. Izo ndi zakuyana pafupifupi chakudera kunyuma; uku nkhuwa, kuyana waka na nyiska. Chiwenge chinonono chomene kuzimanya izo. Kweni mphondo zake zikuphara makhaliro ghake, na mphondo zira. Mberere yiri na mphondo izo ndi zakunyongoroka, ndipo nyiska yiri na mphondo izo nzakusongoka. Ndipo chinthu chinyake, nyiska ntha yingakwera muchanya mwantheura, kuti yirye.

¹⁵ Ndipo ntheura mbuzi, pakwenda, nayoso, muli makhaliro mwa mbuzi, na mberere, kuti imwe mukwenera kuti mumanye mphambano mwa izo, para imwe muka wa muchanya, chifukwa izo zose zikukhala muchanya mu phiri. Imwe mukwenera kuti muyimanye mphambano. Kweni usange imwe mukuwona, a—mbuzi yikujikhuwa iyoyene para iyi yikwenda; uko, mbere re yikukhazika rundi lake pasi ngati *ntheura*, apo iyo yikwenda. Kachitiro umo iyo yikupangira nthowa yake. Imwe mukuyimanya nyama yinu na makhaliro agho iyi yikuchita, na umo iyo yikuchitira, na icho iyo yikurya, na chirichose. Iyi yikujimanyiska iyoyene na kakhaliro kake. Ndipo ntheura imwe mujumphe yimoza, ndipo wonani icho chikuchitika, imwe mungamanya kuphara umo izo zikwendera. Imwe mungamanya kuphara kwizira mu kakhaliro ka nyama zakupambanapambana.

¹⁶ Ntheura kasi imwe muli kuwonapo, ine ntha nkhumanya kwali imwe muli nato kuno panji chara, yellowhammers; inya,

kung'azima ndi zina liweme la ito, na kayuni kaviwawa. Kayuni ka viwawa kali nkhasayizi yakuyana ngati yellowhammer. Ndipo imwe mutuwone tuwiri tukuduka, tose tuwiri ndi pafupifupi mtundu wakuyana wa kayuni. Usange imwe mungawuwona chara mtundu, kweni tulaŵiskeni waka utu, imwe mungamanya kuphara ako ndi ka yellowhammer. Kayuni kaviwawa kakuduka, kuruska panji kucheperapo, mu kachitiro ka njuchi. Kweni yellowhammer, kukhupuranga mapapindo ghake; apo iko kakukhupura mapapindo ghake, iko kakukhira pasi na kukwerera muchanya, kukhira ndipo pamanyuma muchanya. Wonani, iko kakujipanga ikokekha mu kukhotakhota, ngati *ntheura*, ndipo imwe mungamanya kuphara ako ndi kakkhaliro ka yellowhammer, umo kakudukira.

¹⁷ Usange imwe mukuwona a—kayuni kamathotomathoto para iko kakwiza patali, umo iko kakukwerera muchanya. Ntheura wonani usange imwe muli mu chithawari, uko panji kungamanya kuwa kayuni kamathotomathoto, na a—na kakoŵa. Imwe viwinda mukumanya icho. Wilson's snipe na jacksnipe, utu tukujimanyiska itotwene umo ito tukufumira na umo ito tukurutira. Ito tukujimanyiska na kachitiro kawo ka kuduka, za mtundu wa kayuni ito tuli. Ipo, usange imwe mukatupulika waka ito, imwe mungamanya kuphara kasi aka kakaŵa vichi, umo iko kakarutira, icho iko kali, na kachitiro ka kuduka kwake.

¹⁸ Ngati mwanarumi na mwanakazi. Iwo wose ndi wanthu, kweni mwanakazi wali na makkhaliro ghanyake ghakulekana na mwanarumi. Ine nkhaŵazganga apa, nyengo yinyake kale, za Solomon na fumukazi. Ine ntha ndiri kusangapo nyengo kuti ndiphazage Uthenga wane uchoko kuno, kwa imwe, pa fumukazi ya Kumwera, kwiza kuti yizakamuwone Solomon, na kuwona chawanangwa chira cha kusanda. Ine nkhaŵazganga za icho, kuno ntha kale chomene, ndipo iŵo wakayowoya, kuti, “Yimoza ya zintharika izo zikaŵikika panthazi pa Solomon, yikaŵa, fumukazi iyi yikatora mwanakazi, panji wanakazi, mphanyiko, ndipo yikaŵavwalika iwo ngati mwanarumi.”

¹⁹ Sono, icho chikaŵa chachilendo mu nyengo yira, kweni nadi ichi chiriko nyengo iyi, muhanyauno. Ndipo—ndipo imwe mukumanya uko nkhwanaanga. Baibolo likayowoya kuti mwanakazi wangachitanga chara icho. “Ndi chakukhozga soni kwa mwanakazi kuti wavware chakuvwara cha mwanarumi.” Ndipo Chiuta wambura kusintha wakayowoya icho, ntheura uwo mbunenesko.

²⁰ Ntheura ise tikusanga kuti Solomon, ntha wakalaŵisiska waka pera iwo, iyo wakaŵapanga iwo kuti wayende panji kuchita chinthu chinyake, ndipo mwaluwiro wakuti, “Ndi wanakazi.” Wonani, iyo wakamanya kuphara na kachitiro ka mwanakazi yura, umo iyo wakajipangira iyomwene, kuti iyo wakaŵa mwanakazi ndipo ntha mwanarumi.

21 Ndipo ntheura pafupifupi chirichose chiri munthowa yira, na vyakuchitika vyake. Ngati ndiumo wanthu wanandi mba chamazere, na chamaryero. Iwo mbakachitiro umu iwo wakuchitira iwoŵene. Imwe mungamanya kuphara kwali ndi munthu wa woko lamaryero panji woko lamazere, na umu iwo wakuchitira iwoŵene, umu iwo nyengo zose wakugwiriskira ntchito woko lira la mazere panji lamaryero.

Ndipo kumbukirani, Yesu wakaŵa na chinyake ngati icho, chakuti . . .

22 Mawoko ghaŵiri ndi pafupifupi waka . . . Igho ngakuyana. Igho ghali na vidindo vyakuyana vya chigunywo, vidindo vya njoŵe, njoŵe zinkhonde; yichoko, yakufupi ku chigunywo, na zinyakhe ntheura. Kuyana waka na woko lakumaryero na woko lakumazere liri na njoŵe zakuyana waka, makora waka, woko lasayizi yakuyana, nkhanira ndendende. Ndipo mphambano yekha pera yiripo, mwa igho, njakuti limoza ndamazere ndipo limoza ndamaryero. Iyo ndi mphambano yekha pera imwe mungayowoya. Limoza ndamazere, limoza linyake ndamaryero.

23 Ntheura pamanyuma mu icho, Yesu wakati . . . Ine panji ningaponyapo fundo yichoko apa. Yesu wakayowoya, mu Mateyu 24, kuti, “Vyakuchitika vya Mzimu vizamkuŵa vyakuyana mu mazuŵa ghaumaliro, kukozgana chomene mwakuti vingamanya kupusika wakusoreka usange kukaŵenge kwamachitiko.” Wonani, iyo yiŵenge waka . . .

24 Imwe mutore woko linu ndipo mulikwezge waka muchanya. Wonani, usange imwe ntha mukulaŵisiska, limoza la igho likuwoneka ngati linyakhe, munthowa yiriyose, kweni limoza la igho ndamazere ndipo limoza linyake ndamaryero.

25 Umu ndimo mizimu yiliri mu nyengo yaumaliro. Iyo yikuŵa ngati yikukozgana, kweni iyo yiri na kachitiro ako kakuyimanyiska iyo. Umoza ndi waunenesko, ndipo umoza unyake ndi wautesi, ndipo uwu ungamanya kumanyikwa na kachitiro kake.

26 Mzimu wa Chiuta ungamanya kumanyikwa na kachitiro Kake. Mukuwona? Mzimu wa Chiuta, na mzimu wa mpingo. Uliko mzimu wa mpingo, na Mzimu wa Chiuta uwo nadi ntha uli ngati ndi mzimu wa mpingo, munthowa yiriyose.

Uliko mzimu wachibungwe.

27 Kuli mzimu wa fuko. Kuli mzimu wa charu. Charu chirichose, para ine nkhanjira mwenemula, iwe ukunjira mwenemula, iwe ukusanga mzimu wakulekana. Ine nkharuta mu Finland, wanthu waweme, kweni kula kukaŵa mzimu wa chiFinnish. Ine nkhanjira mu Germany, kuli mzimu wa chiGerman.

28 Kuno ntha kale chomene, ine nkhayendanga na muwoli, apo ise tikaŵa tichali kukhala mu Indiana, virimika vingapo

vyajumpha, uko ku msika ukuru pachoko. Ine nkhaŵa kuti ndafika waka pa nyumba. Ise tikayenera kuti tikagureko chakurya. Ndipo pa ulendo wane wakuruta kula, ise . . . Yikaŵa nyengo yakotcha, imwe panji ntha mugomezenge ichi, kweni ise tikasanga dona wakavwara diresi. Ndipo chikaŵa chachilendo chomene, ine . . . Ichi chikandizukumiska ine. Ine—ine nkhati, “Laŵiskani kula, chira chikuwoneka chachilendo, mwanakazi yura wavwara diresi.” Wanyake ŵose wakavwara malaya agho ntha . . . ntha ghandchindi kwa mwanakazi. Ndipo—ndipo iyo wakati . . . Ine nkhati, “Inya, uwo ndi mzimu waka wa chi America, wonani, mzimu wa America.”

²⁹ Sono, mzimu wa America, uwu ndi a . . . chikwenera kuŵa charu cha chiKhristu, kweni mzimu wa charu ichi ntha ngwa chiKhristu. Ichi panyake chingachemeka charu cha chiKhristu, kweni ichi chiri mitunda mamiliyoni kufuma ku ichi, mu vyakuchitika. Ntheura, mwanakazi uyu, ine nkhati . . .

Iyo wakati, “Inya, kasi ise ndise ŵina America chara?”

³⁰ Wakati, ine nkhati, “Chara. Ise tikukhala kuno. Ichi ndi charu chithu. Ise—ise—ise tikukhala mu ichi. Ise tikuchitemwa ichi. Ichi ndi charu chiweme chomene mu charu. Kweni, ndipouli, ise ndise ŵina America chara.” Ine nkhati, “Ise tiri kubabika kufuma Kuchanya. Mzimu Mutuŵa wakiza pasi, ndipo ise tiri ku Ufumu. Uwu ntha ngwa charu ichi.” Ine nkhati, “Ndicho chifukwa kuti ŵalongosi ŵithu ŵakuvwara madiresi, ŵali na sisi litali, ntha ŵakujipenta-penta. Wonani, vyakuchitika vyawo vikuŵamanyiska iwo ngati ‘ŵatuŵa kwa Fumu,’ kufuma Kuchanya.”

³¹ Ipo, ise tikupenja Ufumu. Ise tikupenja Fumu kuti yize na kupokerera ŵanthu Ŵake ku Ufumu Wake. Ndipo iwo ŵakumanyikwa na vyawo—vyakuchitika vyawo, kuti vyuma vyawo ntha nyva charu chapasi ichi panji fuko ili. Ichi ntcha Kuchanya, mu Uchindami. Ipo, iwo, “Iwo ŵakupenja Msumba uwo Mzengi Wake na Wakuwupanga ndi Chiuta.” Iwo mbakumanyikwa makora.

³² Nakhumbanga nthena nanguŵa na mazgu ghakukwanira kuti ndizakamupharazgireni imwe usiku unyake. Kweni ine—ine nkhuŵa na mwaŵi uchoko ku icho. Sono, kumanyikwa na vyakuchitika vyake.

³³ Ise tikusanga chiyerezgero chiweme apa mu nyengo ya Israel, kunjira mu charu chaphangano. Ndipo Chiuta wakaŵachema iwo kwakulingana na phangano Lake. Iyo wakamuphalira Abraham kuti, Iyo nthena . . . mbewu yake yizamkuŵa mu charu ichi chachilendo, pa virimika foru handiredi, ndipo pamanyuma Iyo wazamkumuwombora iyo na woko likuru lankhongono, ndipo iŵo wazamkuruta ku charu, pamanyuma, chikalayizgika, chikayendanga mkaka na uchi.” Ndipo pamanyuma para nyengo yaphangano yikati yaneng’enera, kula kukiza a—Faro uyo ntha

wakazirwiska utumiki ukulu wa Joseph uwo iyo wakaŵa nawo pakati pawo.

³⁴ Ndipo, ichi, Chiuta wakawuska muprofeti wakuthyika Moses. Ndipo mwanarumi wakasambizgika mu vinjeru vyose vya ŵina Egupto. Kwambura nkhayiko kweni kuti iyo wakaŵa mukuru, wakuchenjera, munthu wazeru, pakuti iyo wakamanyanga kusambizga ŵina Egupto vinjeru. Wakawoneka ngati wakukwanira makora munthu-wakukwanira kuti wakawombore.

³⁵ Kweni, imwe wonani, icho ise tikuchichema uwombozi, na icho Chiuta wakuchema uwombozi, pali mphambano yinyake.

³⁶ Sono muwoneni munthu uyu na makhaliro ghake ghose gha umunthu. Iyo wakamanya kuti iyo wakababika kuti wawomborenge ŵana ŵa Israel. Kweni, na masambiro ghake ghose, ndicho chekha iyo wakamanyapo, na kumanyanga kuti iyo wakachemeka na Chiuta kuti wakachite ntchito, iyo wakaŵa na vyake vyose vya . . . Iyo wakaŵa na yake Bachelor of Art, na Ph.D., na LL. D., na vinyake nthaura. Ndipo iyo wakaruta kukawombora Israel, ndipo iyo wakaŵa wakutondekerathu.

³⁷ Sono wonani, chikawoneka ngati, iyo pakuŵa na rundi lake pampando wachifumu mu Egupto, kuti waŵe Faro, kuti iyo nthena wakawombora ŵana ŵa Israel pamanyuma pakuti iyo wakaŵa Faro, chifukwa iyo wakaŵa wakurondezgapo mu mzere kuŵa—kuŵa fumu. Kweni, imwe wonani, kuti, mu kuchitanga chira munthowa yira, nthena chikawoneska chakuchitika cha Chiuta chara mu kuwomboranga ŵanthu Ŵake.

³⁸ Iyo wakati Iyo wamkuŵawombora iwo. *Iyo* nthena “wakaŵawombora iwo na woko likuru lankhongono,” nthu Moses na gulu lankhongono lankhondo, kweni Chiuta na woko lankhongono.

³⁹ Ise tikusanga kuti muprofeti uyu wakachimbira ndipo wakaŵa mu mapopa pa virimika fote. Ichi chikamutorera Faro virimika fote kuti waŵikemo masambiro mwa iyo, ndipo chikamutorera Chiuta virimika fote kuti wafumiskemo ichi mwa iyo. Nthaura ise tikusanga, zuŵa limoza, kuti iyo, kuseri kwa chipalamba, wakakumana na Yehova Chiuta mu chivwati chakugolera, mu kawonekero ka Laŵi la Moto likaŵa mu chivwati. Ndipo iyo wakafumbika kuti wavure skapato zake, kuti, malo agho iyo wakayimirirapo ghakaŵa ghatuŵa. Sono muwoneni muwemi uyu, wakulereka makora, munthu wakusambira, uyo wakaŵako, wonani kusintha kwa vyakuchitika vyake pamanyuma pakuti iyo wakati wakumana na Chiuta. Iyo wakachita chikuru chomene . . .

⁴⁰ Nyengo zinyake Chiuta wakuchita vinthu munthowa yakuphweka yantheura, na munthowa yakupusa yantheura, ku kaghanaghaniro ka kuthupi. Wonani munthu uyo wakaŵa wakutondekerathu; na ŵankhondo wose ŵa Egupto na vinyake

vyose vyakumuzingirizga iyo kuti wachite khumbo la Chiuta, na masambiro ghake ghose, pa msinkhu wa virimika fote, mu upachanya wake. Iyo wali apa, virimika eyite, mlenji wakurondezgako, na muwoli wakhala mwakutangalala pa buru, na bonda pa chiwuno chake, na ndodo mu woko lake, kukhiriranga ku Egupto, kuti wakatore ulamuliro. Imwe mukuyowoya za kawonekero kakunyozeke! Kweni kula kukaŵa kuwoneskeranga vyakuchitika vya Chiuta, chifukwa Iyo wakaŵa na munthu uyo wakamanya kugomezga Mazgu Ghake. Mbweni kwamara. Nkhani apa yikaŵa yakuti, kasi imwe mungalingalira kufwamba kwa munthu yumoza kurutanga ku Egupto, uko, ŵankhondo ŵakatondeka? Kweni kasi ichi chikaŵa chivichi? Vyakuchitika vyake, nthowa zake zikasintho. Iyo wakarutanga mu Zina la Yehova, “INE NDINE UYO INE NDINE.” Nkhani apa yikaŵa yakuti, iyo wakatora ulamuliro. Iyo wakachita, chifukwa iyo wakarutanga mu Nkhongono za Yehova.

⁴¹ Pa ulendo wake, kurongozanga Israel kuruta ku charu chaphangano, iyo wakakumana na m’bale wake, m’bale wake wachibungwe, Moab. Sono, Moab, munthowa yiriyose, ŵakaŵa ŵambura kugomezga. Ŵara ŵakaŵa ŵana ŵa ŵana ŵanakazi ŵa Lot. Yumoza wa ŵana ŵawo waka—wakababa Moab.

⁴² Sono, kumtunda kula, ine nkukhumba kuti imwe muwone mitundu yiŵiri iyi, mu kususkana. Apa pakaŵa Egupto, muchoko, wakambininika, kukaŵavye charu chakuti chiruteko, kukaŵavye ŵapachanya panji kukaŵavye fumu, panji chirichose, panji ŵakuruŵakuru ŵaliwose pakati pawo, ŵanthu waka pa ulendo wawo kuruta ku charu chaphangano. Ndipo apa iwo ŵakayenera kujumpha mu charu cha Moab. Ichi mukaŵa nkhanira mu mzere wa phangano.

⁴³ Ndipo Moab, nayoso, wakaŵa wakugomezga mwa Yehova, ndipo iŵo ŵakaŵa na muprofeti. Ndipo Isreal wakaŵa na muprofeti. Ŵose ŵaŵiri ŵakaŵa na ŵaprofeti.

⁴⁴ Ndipo sono wonani, iŵo ŵakafika pa malo uko muprofeti wa fuko la bungwe wakizanga kuti wazakatembe fuko linyake ili, chifukwa ili likaŵa waka lakuyendayenda, ntho likaŵa na malo ghanyake ghakuti likhalepo. Ntheura iwo ŵakafika.

Ndipo ŵakaŵawona ŵaprofeti ŵaŵiri ŵara. Para ichi chafika pakuyowoya mwafundo, ŵose ŵaŵiri ŵakaŵa ndendende ŵaneneska. Chifukwa, wonani, Balam, bishop, wakaŵaphalira iŵo, “Sono imwe mindizengere ine majotchero seveni.”

⁴⁵ Seveni ndi nambala yakukwanira ya Chiuta, kuyimiriranga Miwiro Seveni ya Mpingo, mazuŵa seveni gha kulenga, vinyake ntheura. Sono wonani, seveni, Chiuta ngwakukwanira mu seveni.

46 “Majotchero seveni, ndipo pa jotchero lirilose muŵikepo a—nkhambako.” Sono ilo ndi ndendende jotchero lenelira iwo ŵakaŵa nalo mu msasa wa Israel. Iwo ŵali kusika kula mu Israel, na jotchero linelira iwo ŵali nalo kunena kuno; na sembe yenyira, nkhambako na nkhambako; muprofeti na muprofeti. Mafuko ghaŵiri, mu kususkana.

47 Chiyerezgero chakufikapo cha nyengo iyo ise tikukhalamo, usange ise tikaŵenge na nyengo kuti tisanthure ichi. Wonani Chiuta kuchitanga ichi mu ntharika, icho ise tikusanga, chikuyana.

48 Sono, nayoso, Balam wakakhumbanga mberere yanarumi pa jotchero lirilose. Icho chikayowoyanga za chipulikano chake mu Mesiya uyo wakizanga. Mberere, mberere yanarumi, yira ndi sembe yeneiyo iwo ŵakaŵa nayo kula mu Israel; kusika mu msasa wa Israel, kumtunda kuno kufupi—mu Moab. Mwa . . . Mwafundo, iŵo ŵose ŵakaŵa ŵaneneska, kweni, wonani, mwafundo mu chisambizgo.

49 Kweni muprofeti yumoza kusika mu msasa wa Israel wakaŵa na vyakuchitika vya Chiuta na Mazgu gha Chiuta. Iyo wakakhala na phangano la Chiuta ku muwiro ula, chifukwa iyo wakaŵa mu mzere kurutanga ku charu chaphangano. Mukuwona?

50 Sono, kufika ku chigaŵa cha fundo, Balam, Balak wakamanyiskika waka umo Moses wakaŵira.

51 Kweni, imwe wonani, Moses, pakuŵa muprofeti wakwenerera wa Chiuta, nthi iyo wakaŵa na vigaŵa vya fundo pera, kweni wakaŵa wa kumanyiskika kwa Chiuta. Wonani, iyo wakaŵa mu mzere wa ntchito, ndendende icho chikalayizgika ku muwiro ula; nthi ku muwiro wa Nowa, kweni ku muwiro ula. “Ine ndimutoreraninge imwe ku charu icho chikwenda mkaka na uchi.” Iŵo ŵakaŵa pa ulendo wawo, ndipo Israel wakamanyikwa na muprofeti wawo, Moses, na Uthenga wa muwiro ula. Vyakuchitika vya Chiuta vikawoneka mwa Moses. Lawi la Moto likamurondezganga iyo. Iyo nayoso wakaŵa na mphepisko mu kuchita kwake; nthi kuyowoyanga za ichi, kweni wakaŵa nacho ichi mu mlimo. Nthi icho chizamkuŵako; icho chiliko sono nthena!

52 Wonani, iyo wakaŵa na njoka ya mkuŵa iyo yikakwezgeka muchanya chifukwa cha urwari na matenda gha ŵanthu, ipo Moses wakachitanga machirisko Ghauzimu. Iyo wakaŵa nayo mphepisko, njoka ya mkuŵa kuyimiranga chimanyikwiro kuti Chiuta wakaŵa mu msasa, ndipo ŵanthu wakalaŵiskanga pa njoka yira ya mkuŵa ndipo ŵakachiranga.

53 Iyo wakaŵaso na Jarawe lakutimbika kumurondezganga iyo. Ndipo icho chikawoneskanga Chiuta, kuti lisunge Maji gha Umoyo pakati pawo, chimwemwe na chiponosko, kuti iwo ŵaleke kuparanyika kweni waŵenge na Umoyo wamuyirayira.

Ichi chikaŵa chilinganizgo cha . . . Jarawe lira lakutimbika mu mapopa likaŵa chilinganizgo cha Khristu wakutimbika.

⁵⁴ Ntheura, iwo ŵakayendanga mu mzere wa phangano. Icho chikaŵa chimanyisko chinyake cha Chiuta, kuwoneskanga chakuchitika cha Chiuta. Paliye kanthu kwali munyake uyu wakaŵa mwafundo uli na Mazgu; iyo wakaŵa nagho mwafundo, kusazgirapo kumanyiskika, na chakuchitika cha Chiuta pakati pawo. Chiuta wakajimanyiska Iyomwene. Waprofeti ŵawiri, wose ŵawiri ŵaprofeti, ndipo wose ŵawiri ŵafundo; kweni Chiuta wakawoneska vyakuchitika Vyake mwa Moses, chifukwa iyo wakaŵa na vyakuchitika vya Chiuta pamoza na iyo.

⁵⁵ Sono, kamozaso, vyakuchitika vya Chiuta nyengo zose ndi vyauzimu, chifukwa Iyo ndi wauzimu. Chiuta ndi wauzimu. Ichi ntchachilendo, nyengo zose, ku kachitiro ka kaghanaghaniro ka nyengo iyi. Imwe mukumanya icho. Chiuta nyengo zose wali kutimbanizga pulani, ku ŵa—ku magulu ghasopisopi mu muwiro uliwose uwo ukaŵako.

⁵⁶ Ndipo nthā nyengo yimoza wakaŵako munthu panji gulu la ŵanthu ŵakapanga bungwe iŵoŵekha pamoza pa uthenga kweni kuti iŵo ŵakafwa ndipo ŵakaŵikika pa sherufu ndipo nthā ŵakawukaso. Paliye mdauko. Ŵa Lutheran, ŵa Prezibetere, ŵa Methodist, ŵa Baptist, ŵa Pentekosite, na ŵanyake ntheura, nthā ŵakawukaso, para iwo ŵakayamba kupanga bungwe Ichi.

Chiuta wakuchita na ŵanthu payekhapayekha.

⁵⁷ Wonani, Iyo ngwachilendo chomene ku nthowa ya kaghanaghaniro. Wonani, ise tikupuruka munthowa, ndipo ise tikwenera kugomezga Ichi munthowa *iyi*. Ndipo pamanyuma Chiuta wakwiza na Mazgu Ghake agho Iyo wali kulayizga, ndipo wakujimanyiska Iyomwene mu Mazgu ghara. Gulu *ili* nthā lingaruta ku Ichi, chifukwa ili nthā likugomezga mu Ichi. Wonani, ili lajidumurako ilolene ku Ichi.

⁵⁸ Ngati Yosefe, iyo wakaŵa mwana wa David, ndipo munthu muweme, Yosefe mfumu wa Mariya. Iyo wakaŵa munthu muweme, ndipo kwambura nkhayiko wakaŵazga Baibolo, vyakulembeka, rutaruta, chifukwa . . . ndipo wakalindizganga Mesiya kuti wizenge, ndipo wakayenera kuti wakamanya icho Lemba likayowoya icho chizamkuchitika. Yesaya wakati, “Mwali wazamkuŵa na nthumbo.”

⁵⁹ Inya, sono, iyo wakayendezgananga na msungwana muchoko uyu, Mariya, panyake wa virimika eyitini, ndipo iyo panyake wakaŵa mulara pachoko. Ndipo ntheura para iwo ŵakati ŵafikirana kuti ŵatorane, iyo wakawoneka kuti waŵenge mama. Sono icho chikaŵa ngati chakusuzgirapo kwa Yosefe kuti wachipokerere icho. Kwambura nkhayiko kweni kuti Mariya wakamuphalira iyo kuti wakayendereka na Gabriel. Kweni ise tikuwona, umo vyakuchitika vyake vikamurongozgeranga iyo, iyo wakakayika ichi.

⁶⁰ Sono iyo wakasangika kuti wakaŵa mama pambere iwo ŵakaŵa ŵandatorane. Ndipo, mu Baibolo, chilango icho ndi nyifwa, pa kuchita kudinika na malibwe. Mwanakazi wambura kutengwa kuŵa mama, iyo wakayenera kuti wadinike na malibwe. Mukawavye uzaghali mu Israel. Uwu ukakanizgika. Ntheura ise tikusanga, mu Deuteronome, ili likutiphalira ise icho.

⁶¹ Sono ise tikusanga kuti, Mariya, wakawoneka ngati kuti iyo wakayezganga kumugwiriska ntchito Yosefe ngati chakubisamako waka pa chakuchitika icho iyo wakachita. Chifukwa, usange iyo wakasangika kale kuti wakaŵa mama pambere iwo ŵakaŵa ŵandatorane, ntheura iyo wakayenera kuti wadinike na malibwe, ndipo iyo wakayenera kuŵa na munyake sono uyo nthena wakamuyimirira ngati chakumubisa iyo. Ndipo icho chikawoneka, chose pamoza, ngati kuti ndicho iyo wakayezganga kuchita.

⁶² Kweni Yosefe pakulaŵiskanga mu maso ghake ghakuru ghakutowa, ndipo iyo wakamanyanga kuyowoya, “Yosefe, Gabriel wakayowoya kwa ine, ‘Mzimu Mutuŵa wazamkukuphimba iwe, ndipo Chinthu ichi icho chizamkuŵa mwa iwe—mwa iwe ndi cha Mzimu Mutuŵa. Ichi ndi Chiuta. Icho ndicho chizamkuchemeka, “Mwana wa Chiuta.”” Ndipo, Yosefe, iyo—iyo—iyo wakakhumba kuti wagomezge icho, kweni ichi chikaŵa chachilendo chomene. Icho nthu chikachitikapo nakale.

⁶³ Ndipo umo ndimo kuliri waka muhanyauno. Usange ise tingachita waka. . . Usange ine nkhaŵenge na nthowa yinyake ya kuŵatora ŵanthu kuti ŵawone kuti kuleka kupulikiskika kwa chirichose, usange ichi chamanyiskika na Mazgu, ntheura vyakuchitika vyake vikusimikizgira kasi ichi ntchichi. Ichi ndi Chiuta wakuchita.

⁶⁴ Yosefe wakayenera kuti nthena wakachimanya ichi. Iyo wakayenera kuti nthena wakamanya, “Mwali wazamkuŵa na nthumbo.” Kweni iyo wakaŵa muneneska za ichi. Iyo nthu wakakhumba kuti wamulekerezge iyo, mwachisisi, kweni iyo—iyo wakaghanaghananga za kuchita ichi.

⁶⁵ Ndipo pamanyuma Mungelo wa Fumu wakawoneka kwa iyo mu loto. Kasi imwe mukuzizwapo chifukwa icho iyo wakawonekera mu loto? Mukaŵavye ŵaprofeti mu mazuŵa ghara. Loto lawo likaŵa lipusu chomene, nthu likakhumbikwanga kumasulira. Wakati, “Yosefe, iwe mwana wa David, ungomanga kujitorera wekha Mariya muwoli wako, pakuti icho chiri mwa iyo ntcha Mzimu Mutuŵa.” Wonani, ntheura, icho chikakhazikiska ichi. Wonani, Iyo wakiza kwa iyo mu loto, mwakuphweka. Kweni, imwe wonani, kukaŵavye muprofeti kula kuti waghामanye Mazgu ghara, kuti, “Uyu ndi mwali uyo wazamkuŵa na nthumbo.” Mukuwona? Ntheura,

ipo, Iyo wakawoneka kwa iyo mu loto, chifukwa iyo wakaŵa muneneska ndipo murunji ndipo munthu muwemi.

⁶⁶ Ndipo ine nkhubomezga Chiuta wafikenge kwa munthu waliyose muweme, munthowa yinyake, na kuwoneska vyakuchitika Vyake kwa munthu muweme yura, ku muwiro, usange munthu yura ngwakuchemeka na Chiuta ku muwiro ula.

⁶⁷ Sono, kweni ichi chikaŵa chachilendo chomene, iwo nthā ŵakamanya kuchipulikiska ichi. Kweni, nyengo zose, kuwonekeranga kwakulingana na Mazgu gha kulayizgika ku muwiro, chose ichi chachilendo.

Sono pali ŵanthu ŵanyake ŵangamanya kuzukuma, na kuti, “Inya, *ichi* ntchachilendo, uyo ndi Chiuta. *ichi* ntchachilendo.”

⁶⁸ Kweni, imwe wonani, ichi chikayenera kuti chimanyiskike na Mazgu, ndipo Mazgu ndi Chiuta. Mukuwona? Ndipo nthēura chakuchitika cha kumanyiskika uku chikumanyiska kasi uyu ndinjani, chifukwa Chiuta wakati, “*ichi* chizamkuchitika,” ndipo ichi chikuchitika. Mukuwona? Chakuchitika cha ichi ndi Mazgu gha Chiuta kuŵa ghakumanyiskika mwa chakuchitika icho chikuchitika.

⁶⁹ Iyo wakati mu mazuŵa ghaumaliro Iyo wazamkupungula Mzimu Mutuŵa. Iyo wakachita ichi. Vyakuchitika vya ichi vikamanyiska kuti ichi wakaŵa Chiuta, Mazgu Ghake ghakulayizgika. Wonani, ichi nyengo zose chikujimanyiska ichochene.

⁷⁰ Sono, nyengo zose, nyengo yiriyose, chikususka mazgu, para Mazgu ghayowoyeka mwakwanangika. Kasi imwe mukawonapo? Mukaŵa mu mazuŵa gha Nowa, kuti wakasuska muwiro ula wa sayansi, kuti Chiuta wawiskenge maji pasi kufuma kuchanya. Wakaŵa Moses, wonani, uyo wakasuska apo wose ŵakakhazikika kula mu Egupto, na vinyake nthēura, kweni Mazgu gha Chiuta ghakayenera kuti ghafike kuti chikhozgeke. Ndipo Unenesko wa Mazgu ukususka chakwanangika.

⁷¹ Rekani ine ndimufumbeni imwe chinthu chinyake. Ise panji tirutenge mwakuzongoka pachoko apa. Ine nthā nkhuenera kuti ndipharazge kusambizga panji chisambizgo, kweni ndizomerezgeni ine ndimufumbeni waka chinthu chimoza.

⁷² Yesu wakaŵa Mazgu. Ise tikumanya icho. Baibolo likayowoya ichi wakaŵa. Yohane Mutuŵa, chipatulo 1, “Pachiyambi kukaŵa Mazgu, ndipo Mazgu ghakaŵa na Chiuta, ndipo Mazgu wakaŵa Chiuta. Ndipo Mazgu ghakazgoka thupi ndipo wakakhala pamoza nase.” Iyo wachali Mazgu. Nthēura para Iyo wakaghamanya maghanoghano ghawo, iwo ŵakayenera kuti nthēna ŵakamanya kuti ghara ghakaŵa Mazgu, chifukwa Mazgu gha Chiuta ghakayowoya kuti icho ndicho Iyo wazamkuchita. Iyo wakaŵa Muprofeti.

⁷³ Sono wonani, ise tikusanga kuti para Iyo wakati wababika, pafupifupi msinkhu wa virimika thweluvu, Iyo wakaruta ku chiphikiro cha kachisi. Ndipo iwo wakaruta kula ku Pasaka. Ndipo, pa ulendo wawo wakuwerera, iwo wakayenda ulendo wa mazuwa-ghatatu ndipo iwo wakamuzgewa Iyo; pakulaŵiska, kughanaghana, mphanyiko, kughanaghaniranga kuti Iyo wakaŵa pakati pa wanthu wakwawo.

⁷⁴ Ise tingamanya kupanga chisambizgo kufumira ku icho. Icho chikuchitika chomene muhanyauno! Sono imwe wa Methodist, Baptist, Prezibetere, Lutheran, Katolika, chirichose imwe muli, wonani, imwe mukuchita chinthu chenechira. Imwe mukulaŵiska pakuti Wesley wakaŵa na chisisimuso chikuru, Luther wakaŵa na chisisimuso chikuru, panji pentekosite wakaŵa na chisisimuso chikuru, imwe mukulaŵiska kuti Iyo wali pakati pa wanthu, penepapo, nyengo zinyake Iyo ntha waliko kula.

⁷⁵ Iwo wakaruta kukamupenja Iyo. Kasi iwo wakamusangankhu Iyo? Uko iwo wakamusida Iyo, ku Yerusalemu. Ndipo para iwo wakati wamusanga Iyo, kasi Iyo wakachitanga vichi? Mnyamata muchoko, msinkhu wa virimika thweluvu, panyake ntha wakarutapo ku sukulu munthowa yiriyose kupatulako icho mama Wake wakamusambizga Iyo; ndipo apa Iyo wakaŵa mu tempile, kususkananga na wasofi wara, za Mazgu gha Chiuta. Ndipo iwo wakazukuma pa vinjeru vya Mwana uyu. Chifukwa? Iyo wakaŵa Mazgu. Sono wonani.

⁷⁶ Ndipo sono ntha kumuyuyurani imwe wanthu wa Katolika imwe mukuchema Mariya nyinawo wa Chiuta, kweni ndizomerezgeni waka ine ndimuwoneskeni kwanangiska kuchoko apa. Usange mpingo wazengeka pa Mariya, wonani icho chikachitika. Sono iyo wakiza ndipo wakati, “O, adada Wako na ine takupenjapenja Iwe, na masozi.” Wonani kayowoyero ako, iyo pamanyuma wakasuska ukaboni wake yekha. Iyo wakati, “adada Wako na ine takupenjapenja Iwe, na masozi.”

⁷⁷ Wonani Mazgu ghara. Iyo wakaŵa Mazgu. Iyo wakati, “Kasi imwe mukumanya chara kuti Ine nkhuayenera kuwa pa ntchito ya Adada Wane?” Wonani Mazgu ghakususka kwanangiska. Nkhanira kula pamaso pa wasofi wara, iyo wakananga ukaboni wake. Wakati iyo wakatora nthumbo ya Mzimu Mutuwa, ndipo apa iyo wakati Yosefe ndi “dada” Wake. Mukuwona Mazgu ghara ghakuchikora ichi nkhanira mwaluwiro? Iyo wakaŵa Mazgu. Sono, imwe mukumanya mnyamata wa msinkhu-wa virimika-thweluvu nthena wakachita chara icho. Iyo wakaŵa Mazgu. Iyo wakaŵa Mazgu ghakuyowoyeka mu muwiro ula, ntheura ipo chakuchitika chakuwoneka cha Chiuta chikaŵa mwa Khristu. Iyo wakasuska vyakwanangiskika. Iyo wakati . . .

Iyo wakati, “Chifukwa, ise ndise wasambiri wa Moses.” Mukwona?

⁷⁸ Iyo wakati, “Usange imwe mukaŵenge ŵasambiri ŵa Moses, imwe mphanyi mwandimanya Ine. Iyo wakalemba vya Ine. Moses wakati, ‘Yehova Chiuta winu wazamkuwuska Muprofeti ngati ine.’ Imwe mphanyi mwandimanya Ine usange mukamumanyenge Moses.”

⁷⁹ Ndipo, wonani, Mazgu nyengo zose ghakususka chakwanangiskika cha nyengo yira. Kweni ŵanthu ŵakutemwa chara kugomezga ichi. Iŵo ŵakurutirira waka na ichi, mwakuyana waka.

⁸⁰ Kweni Yesu wakasuska mama Wake yekha. Ndipo mama Wake ŵakanangiska, chifukwa iyo wakaŵa kuti wayowoya kale kuti yura wakaŵa mwana uyo wapakerekeka mwa iyo na Mzimu Mutuŵa, ndipo apa iyo wakutimbanizga ukaboni wake ndipo wakayowoya kuti Yosefe wakaŵa “dada” wake, wakaŵa wiskewo wa—wa Yesu. Sono usange—usange Yosefe. . .

⁸¹ Usange Iyo wakaŵa mwana wa Yosefe, usange Iyo wakaŵa pa ntchito ya adada Ŵake, Iyo nthena a-wakaŵa mu shopu ya wakupara mathabwa.

⁸² Kweni Iyo wakaŵa pa ntchito ya Adada Ŵake, kumtunda kula ku Tempile, kuchenyanga mabungwe ghara. Mukuwona? Iyo wakaŵa pa ntchito ya Adada Ŵake, Msepuka waka wavirimika-thweluvu. “Kasi imwe mukumanya chara kuti Ine nkhuayenera kuŵa pa ntchito ya Adada Ŵane?”

⁸³ Kasi imwe mukawona apo Yesu wakayezgeka na Satana? Vyakuchitika Vyake kula, para Iyo wakaŵa mu kuyezgeka Kwake, wakamumanya Iyo kuti wakaŵa Chiuta, chifukwa Iyo wakakhala na Mazgu. Mukuwona? “Kuli kulembeka,” wakayowoya Satana.

Yesu wakati, “Kuli kulembekaso,” wakakhala nkhanira na Mazgu.

⁸⁴ “Chiuta, mu nyengo zakale,” ise tanguŵerenga apa. “Chiuta, mu nyengo zakale,” izo ndi nyengo zakale, “nthowa zakupambanapambana,” nthowa zinandi, “wakajimanyiska Iyomwene ku ŵaprofeti Ŵake mwa mboniwoni.” Vira vikaŵa vyakuchitika vya muprofeti, vikaŵa para iyo wakaroskera vintu ndipo ichi chikachitika. Sono icho chikaŵa chakuchitika chake cha kujimanyiska kwake, kuti Chiuta wakaŵa na iyo. Ntheura icho chikamupa iyo wanangwa wakumasulira Mazgu gha mu nyengo yira, chifukwa, “Mazgu gha Chiuta ghakwiza ku ŵaprofeti,” kachitiro ka muprofeti uyo Iyo wakamumanyirathu.

⁸⁵ Baibolo likati, “Usange waliko yumoza, ndipo icho iyo wakuyowoya chikukwaniriskika, ntheura imwe mupulikeni iyo; kweni, usange ichi nthu chikuchitika, nthu mungamugomezganga iyo, nthu mungamuwopanga iyo, kweni Ghane. . . usange—usange Mazgu Ghane nthu ghali mwa iyo. Kweni usange ichi chikukwaniriskika, ntheura Mazgu Ghane

ghali mwa iyo.” Ichi ndi kujimanyiska kwake. Ako ndi kachitiro ka muprofeti.

⁸⁶ Sono, Chiuta, mu nyengo zakale, umo ndimo Iyo wakawoneskera vyakuchitika Vyake vya kujimanyiska vya Iyomwene kwa munthu, pa kuchita kuyowoyera mwa munthu uyo wakachemeka kuŵa muprofeti. Sono, Baibolo likuyowoya kuti, “Chiuta, mu nyengo zakale, nthowa zakupambanapambana, wakayowoya ku ŵasekuru kwizira mu ŵaprofeti.”

⁸⁷ Ise tikuŵerengaso, uko mu Petros Wachiŵiri, kuti Mazgu ghose gha Chiuta ghakalembeka na iwo. “Ŵanarumi ŵakale, ŵakukhuŵirizgika na Mzimu Mutuŵa, ŵakalemba Baibolo.” Iŵo ŵakaŵa ŵaprofeti. Mazgu ghakiza kwa iwo ndipo iwo ŵakalemba Ichi, ŵakalemba ichi, pasi pa ukhuŵirizgi. Chakudanga iwo ŵakaŵa ŵaprofeti ŵakusankhika, pamanyuma iwo—iwo ŵakalemba Mazgu gha ukhuŵirizgi, ndipo iwo ŵakaŵa na kumasulira kwa uvumbuzi Wauzimu chifukwa wakaŵa Chiuta mwa munthu.

⁸⁸ Sono umo ndimo Iyo wakajiwoneskera Iyomwene mu vyakuchitika Vyake vya kujimanyiska, mboniwoni zawo pakuŵa zakukhozgeka, vikaŵa vyakuchitika vya Chiuta mwa iwo, kujipanga Iyomwene wakumanyikwa ku ŵanthu.

⁸⁹ Sono, iyo yikaŵa nthowa yekha pera Iyo wakaŵira mwa Khristu. Muprofeti wakaŵa waka kanthu kachoko. Khristu wakaŵa uzari wa Chiuta. Ndipo Chiuta wakaŵa mwa Khristu, kuphemaniskiranga charu kwa Iyomwene. Ndipo vyakuchitika Vyake vikamuwoneska Iyo, icho Iyo wakaŵa, chomene mwakuti Iyo wakati, “Usange Ine ntho nkhuchita milimo ya Ŵadada Ŵane, nthoura kugomezga chara ichi. Usange Ine ndilije nkharo ya Ŵadada Ŵane, nthoura kundigomezga chara Ine, ntho mungagomezganga vyakuyowoya Vyane. Usange Ine ndirije nkharo ya Ŵadada Ŵane mwa Ine, nthoura kugomezga chara ichi, munthowa yiriyose.”

⁹⁰ Sono, vyakuchitika Vyake vikusintha chara. Chiuta wangasintha chara nkharo Ŵake, vingachitika chara kuruska—kuruska a—mwanamberere wangamanya kusintha nkharo yake, paŵi chinthu chinyake chirichose chingamanya kusintha vyakuchitika vyake. Chifukwa, malinga ichi chiri mu upakudanga wake, upakudanga wake. Ndipo usange imwe mwachisintha chinyake, nthoura imwe mwachisintha ichi kufuma ku upakudanga wake.

⁹¹ Ichi chikuyana waka ngati kuti imwe mungamanya kutora a—nkhumba, ndipo imwe mungamanya kuyigegiska nkhumba na—na kuphaka penti yura pa njowe zake, ngati ndiumo ŵanakazi ŵakuchitira, na kuyitoweska iyi na mafuta gha pamlo, na kuyivwarika iyi diredi liweme. Yifumiskereni nkhumba yilira yira kuwaro, iyo yikuruta nkhanira kukavivira

mu mathope, na kuviviraso. Chifukwa? Iyo ndi nkumba, mbwenu kwamara. Kweni, ndipo, kweni, imwe mukumanya, imwe ntha mungapanga. . .

⁹² Mwanamberere wangachita chara icho. Iyo ntha wanganjira nanga ndi mu mathope ghara. Iyo ntha wakukhumba kuchita chirichose na ichi. Ndi kakhaliro ka iyi. Mukuwona? Imwe panji mungamuvwarika iyo na malaya gha mtundu weneula, kweni iyo nadi ntha wachitenge, iyo nadi ntha warutengemo. Chakuworo chilije kanthu; ndi cha mkati. Sono, Chiuta pakuwa chiyambi cha umoyo wose. . .

⁹³ Ntha mungatondekanga kuchipulika ichi. Ine nkhuzezeska, pa vyose ivyo vili mwa ine, kuti ndimupangeni imwe kuti muwonepo chinyake. Mukuwona? Ichi ndi chakumuchitirani uweme winu, wabwezi. Ichi ndi chinu cha—chinu. Mukuwona?

⁹⁴ Ine ntha nangwiza waka kuno kuti muzakandiwone. Ine ntha nangwiza kuno, ntha kwanguwavye malo ghanyake ghakuti ndiruteko. Ine nkhwiza kuno chifukwa ine changundikhwaska ine kuti ndifike kuno. Ine changundikhwaska kuti utumiki uwo Fumu yandipa ine ukwenera kuti uwoneskeke pakati pa wanthu kuno, ndipo ine nkhuzezga kumutorani imwe kuti mufike pakuwona icho Chiuta nadi wali sono. Iyo ndi Mazgu Ghake ghakulayizgika. Iyo nyengo zose ndi Mazgu, ndipo Iyo wakujimanyiska Iyomwene na kachitiro ako Iyo wakalayizga. Munthu munyake wangamanya kuphuka mu nyengo yinyake, icho chiri mu Mazgu, nthura kachitiro ka munthu uyu uyo wakwenera kuti wafike kakuwoneska kuti munthu yura ndi uyu.

⁹⁵ Ndicho chifukwa Yesu wakayenera kuwa Uyo Iyo waka. Iwo wakayenera kuti nthena wakachiwona ichi. Ndicho chifukwa iwo wakawa wakuburumutizgika. Chinthu. . . Wakati, nangauli Iyo wakachita minthondwe yinandi chomene, kweni iwo ntha wakagomezga, chifukwa Yesaya wakati, “Iwo wali na maso kweni ntha wakuwona, na makutu ndipo ntha wakupulika.” Mukuwona? Muwiro uliwise, ntha muwiro Wake pera; kweni muwiro uliwise, umo, “Chiuta, mu nyengo zakale, nthowa zakupambanapambana,” ndipouli iwo ntha wakapulika ichi.

⁹⁶ Sono, kachitiro Kake ntha kakutondeka. Ichi nyengo zose ndi chimozimozi. Sono, kumbukirani, kachitiro Kake, kachitiro ka Chiuta, ntha kakutondeka. Usange ichi chachitika, ipo Chiuta watondeka. Ndipo Baibolo likayowoya, mu Waheberere 13:8, kuti, “Yesu Khristu ndi mweneyura mayiro, muhanyauno, na muyirayira.” Ipo, Iyo ndi Chiuta wambura kusintha. Chirichose Iyo waka pa chiyambi, Iyo wachali ndithu chenechira. Munthowa yiriyose Iyo wakachita, nyengo yiriyose apo Iyo wakachita chinyake, Iyo wakuchita ichi munthowa yenyira nyengo yiriyose. Usange Iyo ntha wakuchita,

ipo nkharo Yake yasintha, wonani, ndipo kachitiro Kake kawoneskenge chinthu chinyake icho ntha wakaŵa Chiuta. Mukuwona? Ntheura ise ntha tingamanya uko. . .

⁹⁷ Ngati ndiumo Paulos wakayowoyera, “Usange mbata yikupereka kaliriro kambura kumanyikwa makora, kasi ndinjani wamanyenge kunozgekera nkondo, usange mbata yikupereka kaliriro kambura kumanyikwa makora?” Sono usange mbata yikwenera kuti yilire kuti “wererani,” icho ndicho ise tikwenera kuti tichite, kuwerera. Usange mbata yikuti “tiyeni,” icho ndicho ise tikwenera kuti tichite, ndi kuruta. Kweni kasi mbata ndi vichi? Ndi Mazgu gha Chiuta. Iyi yikumumanyiska Chiuta, kwali ichi ndi—kwali ichi ndi “yimirirani, khalani pasi, wererani, wunjikani zida,” chirichose icho chiliko. Ndi kulira kwa mbata ya Chiuta.

⁹⁸ Ndipo kulira kwambura kumanyikwa makora, para Baibolo likuti chinthu chinyake chikwenera kuti chichitike; munyake wakuti, “O, icho chikaŵa cha nyengo yinyake, icho.” Ntheura kuli kaliriro kambura kumanyikwa makora kula. Ntheura imwe ntha mukumanya chakuti muchite.

⁹⁹ Yesu wakati, “Ine ndiri na nkhangono kuŵika umoyo Wane pasi na kuwuwuska uwu kamozaso.” Palije kaliriro kambura kumanyikwa makora apo.

¹⁰⁰ Mwanakazi wakati, “Ise tikumanya Mesiya wizenge; ndipo para Iyo wafika, Iyo wazamkutiphalira ise vinthu ngati ndiumo Iyo wakachitira.”

¹⁰¹ Iyo wakati, “Ine ndine Iyo.” Palije kaliriro kambura kumanyikwa apo. “Ine ndine Iyo.” U-nhu! Amen.

Iŵo ŵakati, “Ŵasekuru ŵithu ŵakarya mana mu mapopa.”

¹⁰² Iyo wakati, “Iwo ŵali, waliyose, wali kufwa.” Iyo wakati, “Kweni Ine ndine Chingwa cha Umoyo icho chikwikha kufuma kwa Chiuta Kuchanya.” Palije kaliriro kambura kumanyikwa makora. “Ine ndine Khuni la Umoyo, kufuma mu munda wa Eden.” Palije, palije kaliriro kambura kumanyikwa makora za icho. Nadi palije. Kulije kaliriro kambura kumanyikwa makora za ichi. Iyo wakaŵa wakusimikizga mu chirichose Iyo wakachita.

¹⁰³ Baibolo ntha likupereka kaliriro kambura kumanyikwa makora. Ilo likuwoneska kachitiro ka Chiuta mu kaliriro kake.

¹⁰⁴ Yesu wakayowoya, mu Yohane Mutuŵa 10:37, “Usange Ine ntha nkuchita milimo ya Adada Ŵane, kasi. . . ndipo Ine ndilije nkharo yira ya Adada Ŵane, ntheura kundigomezga chara Ine. Igho ndi gheneagho, Igho ghakuwoneska nkharo Yake mwa Ine, kachitiro Kake.”

¹⁰⁵ Chifukwa, Dada ndi Mazgu, “Pa chiyambi kukaŵa Mazgu, ndipo Mazgu ghakaŵa na Chiuta, ndipo Mazgu wakaŵa

Chiuta,” ndipo kachitiro ka Chiuta kakuwoneskeka na phangano Lake mu muwiro ula.

¹⁰⁶ Sono usange Iyo wakakhalenge mu nyengo ya Moses, ichi nthena chikagwira ntchito chara. Ndipo usange Moses wakakhalenge mu nyengo Yake, ichi nthena chikagwira ntchito chara. Usange Iyo wakakhalenge mu nyengo ya Nowa, ichi nthena chikagwira ntchito chara, panji usange Nowa wakakhalenge mu nyengo Yake. Nowa wakachimanga vinthu vya nyengo yira, ndipo na kachitiro kake na icho iyo wakachita vikamumanyiska iyo na Mazgu gha Chiuta. Moses wakachita chinthu chenechira.

¹⁰⁷ Ndipo apa Yesu wakwiza, ndipo Mazgu ghakalayizgikira muwiro ula ghakawoneka mwa Yesu Khristu mu kachitiro ka Mazgu, cheneicho ndi Chiuta. Amen.

¹⁰⁸ Kupunguka kwa Mzimu Mutuŵa, mu mazuŵa ghaumaliro, pa ŵanthu wamba, kwawoneska kachitiro ka Chiuta pamoza na ŵanthu. Iyo wakalayizga ichi. Ichi ndi Mazgu. Iyo wakayowoya kuti Iyo wazamuchita ichi. Palije munyake wangajanda ichi. Iyo wakayowoya kuti Iyo wazamuchita ichi.

¹⁰⁹ Ntheura vinthu vyose ivi ivyo Iyo wali kulayizga, icho ndicho Iyo wakuchita. Ichi chikuwoneska kachitiro Kake. Inya, bwana. “Ntha mungagomezganga ichi, ntha mungagomezganga vyakuyowoya Vyane, usange kachitiro Kane ntha ndi kala ka Chiuta.”

¹¹⁰ Sono wonani mu Yohane 14:12, “Iyo mweneuyo wakugomezga pa Ine,” Iyo wakati, “wali na chiphaso Chane, kachitiro Kane. Iyo uyo wakugomezga pa Ine, milimo iyo Ine nkhuchita wazamuchita nayoso.” Icho chikuwoneska kuti nkharo ya Khristu yiri mwa iyo, kuwoneskeranga kachitiro ka Iyo. Amen.

¹¹¹ Ine nkhopulika usopisopi chomene sono nthena, usange ine mazgu ghasasa. Inya, bwana. O, mwe! Wonani, kulije kunangiskika za Ichi! Umoyo Wake! “Iyo uyo wakugomezga pa Ine, milimo iyo Ine nkhuchita iyo wazamuchita nayoso.” Wonani, icho chikuwoneska kachitiro.

¹¹² Chinthu chenechira Iyo wakati: “Usange nkharo Yane ntha yikundimanyiska Ndamwene,” Chiuta mwa—mwa Iyo, ntheura Iyo . . . kumugomezga chara Iyo.” Sono Iyo wakayowoyaso kuti Iyo wazamkujimanyiska mwa icho. Ntheura, icho, usange ichi ntha chikumumanyiska Iyo, ntheura Iyo ntha wali icho Iyo wakuyowoya.

¹¹³ Ndipo, muhanyauno, usange Khristu ntha wakujimanyiska Iyomwene, kachitiro ka Khristu kakutimanyiska ise kuŵa Wakhristu, kugomezganga Mazgu . . . Yesu wakaŵa Mazgu, ntheura Iyo wakayenera kugomezga Mazgu. Ndipo kasi ise tiyowoyenge uli kuti ise tili ŵa kwa Khristu, ndipo tikukana Lizgu lililose la Baibolo lira? Mzimu Mutuŵa wa

Khristu ndi Chiuta mwa imwe, ndipo Uwu uzomerezgenge phangano lirilose na “Amen.” Baibolo likati, “Vimanyikwiro ivi vizamkuwarondezga iwo awo wakugomezga.” Mzimu wa Chiuta ukati, “Amen.” Mukuwona?

114 Yumoza wa iwo nthu wakuti, “Chara, icho chikaŵa cha muwiro unyake; icho chikaŵa cha wasambiri pera.”

115 “Rutani imwe mu charu chose ndipo mukapharazge Ivangeli ku chilengiwa chirichose. Iyo, kulikose mu charu, uyo wakugomezga, vimanyikwiro ivi vizakumurondezga iyo, chinthu chenechira.” “Mweneyura mayiro, muhanyauno, na muyirayira,” kachitiro kakumanyikwa.

116 Icho chikupanga Ŵahebere 1:1, “Chiuta wa nyengo zakale, kuyowoyanga ku wasekuru kwizira mu waprofeti,” kumumanyiskanga Khristu, wakuwuskika muhanyauno, na kachitiro kenekala ako Iyo wakachita mu nyengo zakale. Kasi imwe mukachiwona? Chiuta nthu wakusinthu nthowa Yake.

117 Mu Baibolo lakale, para wamaloto wakalota loto, ndipo kukaŵavye muprofeti mu charu kuti wawone usange loto ili likaŵa launenesko panji chara, iwo ŵakaŵa na nthowa yinyake ya kumanyira. Iwo ŵakamutora munthu yura, waliyose uyo wakalota loto, ŵakaruta nayo iyo ku tempile. Chakuvwara cha pachifuŵa cha Aron, uyo wakaŵa musofi mukuru, ŵakachipayikanga pa mzati. Ndipo wamaloto uyu wakayowoya loto ili. Palije kanthu kwali ili likapulikikwa makora uli, kwali likawoneka launenesko uli; usange nthu pakaŵa Kuŵara kwakuthwanina kwauzimu pa malibwe ghara, icho chikuchemeka Urim Thummim, (ŵawerengi Baibolo mukupulikiska); nthaura, ine nkhuwperera chara kwali ili likapulikikwa launenesko uli, ichi chikaŵa nthaura chara. Kuleka kupulikiskika kwa Chiuta, nkharo ya Chiuta, vikayenera kuwoneska kachitiro Kake mu chauzimu, kuwoneska kuti Iyo wakajimanyiska Iyomwene pa uthenga. Amen.

118 Ine nkhuwoyoya chinthu chenechira usiku uwu. Urim Thummim wakale wali kumara, kweni Mazgu ghachali chinthu icho chikumanyiska kachitiro ka Chiuta, phangano la ora ilo ise tikukhalamo. Muli kachitiro ka Chiuta kumanyikwa mwa layizgano la ora ilo ise tikukhalamo.

119 Icho chikumupanga Chiuta chimozimozi umo Iyo wakaŵira. “Mu nyengo zakale,” wonani, “mu nthowa zakupambanapambana, Iyo wakayowoya ku wasekuru kwizira mu waprofeti.” “Ndipo dango na waprofeti vikaŵako kufikira nyengo ya Yohane; kufumira apo, Ufumu wa Kuchanya.” Wonani, “Kweni mu nyengo iyi yaumaliro,” wakuyowoyanga chinthu chenechira Iyo wakachita kale, “kwizira mwa Mwana Wake Khristu Yesu.” “Chiuta, mu nyengo zakale, nthowa zakupambanapambana, wakayowoya ku wasekuru kwizira mu waprofeti; mu nyengo iyi yaumaliro,” wakuchitanga chinthu

chenechira, “kuyowoyanga ku wanthu (wawiskewo) kwizira mwa Mwana Wake Khristu Yesu.” Wali kumuwuska Iyo ku wakufwa, ndipo Iyo wakukhala mwa ise, kujimanyiskanga Iyomwene na kuyowoyerangathu vinthu kwa ise, kuti Iyo ndi wakusanda maghanoghano na madazgo gha mtima. Yesu Khristu mweneyura mayiro, muhanyauno, na muyirayira! “Chiuta, mu nyengo zakale na nthowa zakupambanapambana wakayowoya ku wasekuru kwizira mu waprofeti, kweni mu mazuwa ghaumaliro agha kwizira mwa Yesu Khristu Mwana Wake.” Lemba munglingasintha chara. Ichi ndi ndendende.

¹²⁰ Ngati ndiumo ine ndayowoyera kale, Chiuta ntha wakusoweka munyake waliyose kuti wamasulire Mazgu agha. Iyo wakumasulira Mazgu Ghake Yekha. Para iyo wayowoya chirichose, ichi chikuchitika, uko ndiko kumasulira. Mukuwona? Iyo ntha wakusoweka munyake kuti wayowoye, “Inya, ine nkhuomezga ichi chikung’anamura *ichi*.” Chiuta wakuchimanyiska ichi na kumasulira Kwake Yekha, Kwake.

¹²¹ Kasi, usange phangano nda nyengo yira, ise ntha tingakhala mu kuwara kwa—kwa—kwa Luther. Ise ntha tingakhala mu kuwara kwa Wesley, ise ntha tingakhala mu kuwara kwa waliyose wa iwo. Ise tikwenera kuti tikhale mu Kuwara uko kuli kulayizgikira nyengo iyi.

¹²² Uli usange Moses wakarutenge kula mu Egipto, na kuti, “Inya, ise tizengenge ngalaŵa yikuru. Ise tikwerenge kufumamo mu charu ichi. Nile wazamkuzura”? Iwo wakalaŵiska mu vyakulemba vyakale; mulije phangano la icho. Uwo mbunenesko. Kweni, imwe wonani, iyo wakajimanyiska iyomwene ngati muprofeti wa Chiuta, pakuti icho iyo wakayowoya chikachitika, nthaura iwo wakamanya iyo wakaŵa na Mazgu gha Yehova. Faro wakaŵa na mikondo, kweni Moses wakaŵa na Mazgu. Nthaura para iwo wakati wafika pa nyanja, mikondo yose yikaruta pasi pa nyanja; ndipo Moses wakayambuska Israel pa nyanja, pa malo ghomizo, chifukwa iyo wakaŵa na Mazgu, ndipo iyo wakaŵa Mazgu gha ora lira. Moses wakaŵa Mazgu ghakuwonekera pa ora lira.

Eliya wakaŵa Mazgu ghakuwonekera ku ora lira.

¹²³ Khristu ndi Mazgu ghakuwonekera, na mapangano agho Iyo wakapanga. “Kanyengo kachoko ndipo charu ntha chindiwonengeso Ine; kweni imwe muzamkundiwona Ine, pakuti Ine ndizamkuwa na imwe, nanga ndi mwa imwe, kufika ku umaliro wa charu. Milimo iyo Ine nkhuuchita imwe muzamuchita namweso.” Iyo wakalayizga vinthu ivi. Kasi ntchichi ichi? Ndi kachitiro ka Chiuta kuwoneskanga Mazgu Ghake, ngati ndiumo Iyo wakachitira mu miwiro yose.

¹²⁴ Malaki 4, Iyo wakati, “Pambere lindize zuwa likuru na lakofya la Yehova, wonani, Ine nkhutuma kwa imwe Eliya muprofeti; ndipo iyo wazamuwezereska chipulikano cha wana

kuwerera ku wawiskewo kamozaso, pambere zuwa lira lindize.” Iyo wakalayizga ichi.

¹²⁵ Yesu wakayowoya, mu chipatulo 17 cha Luka Mutuwa, “Umo kukaŵira mu mazuwa gha Sodom, ntheura ndimo kuzamkuwira pa kwiza kwa Mwana wa munthu, para Mwana wa munthu wakuvumbukwa.” Para uvumbuzi ukujivumbura iwowene, mu mazuwa apo charu chizamkuwa ngati Sodom, kasi ichi chizamkuwa vichi? Kachitiro ka Lemba kukwaniriskikanga. Chiuta kujimanyiskanga Iyomwene na kachitiro Kake, kachitiro ako Iyo wakhala wakuwa nyengo zose. Iyo wangachileka chara icho.

¹²⁶ Mazuwa ghaumaliro, Iyo wakajimanyiska kwizira mwa Mwana Wake. Wonani umu Chiuta wakuchitira ivi nyengo zose pa a—umo Iyo nye- . . . Iyo nthu wakusinthu nthowa Zake.

¹²⁷ Wananami watatu aŵa awo wakayowoya kwa Abraham, umu ise tikayowoyeranga waka kula, mu mazuwa gha Sodom.

¹²⁸ Abraham wakuwa munthu uyo wakagomezga Chiuta. Iyo wakamutora Chiuta pa phangano Lake. Sara, muwoli wake, wakuwa na virimika sikisite-fayivi, Abraham wakuwa na sevente-fayivi, para Chiuta wakamuchema iyo. Iyo wakati iwo wazamkuwa na—mwana; Abraham wazamkuwa na mwana mwa Sara. Ichi panji chingawoneka chakunyozeke pachoko, kweni ine nkhumuwona iyo wakasakata tose a—tumabuti tuchokotuchoko na maphini, na chirichose, wakanozgeka, chifukwa iwo wawenge na bonda uyu.

¹²⁹ Pamanyuma pa mazuwa ghakudanga twente-eyiti, chifukwa, Abraham panji wakayowoya kwa Sara, “Kasi iwe ukupulika uli iwe, wakutemweka?”

“Palije mphambano.”

“Uchindami kwa Chiuta, ise tiwenge nayo uyu, munthowa yiriyose.”

“Kasi iwe ukumanya uli?”

“Chiuta wakayowoya ntheura.”

Chirimika chikajumpha. “Kasi iwe ukupulika uli iwe, wakutemweka?”

“Palije mphambano.”

“Ise tiwenge nayo uyu, munthowa yiriyose. Chiuta wakayowoya ntheura.”

Virimika vinkhonde vikajumpha. “Kasi iwe ukupulika uli sono, wakutemweka?”

“Palije mphambano.”

“Ise tiwenge nayo uyu, munthowa yiriyose. Chiuta wakayowoya ntheura.”

¹³⁰ Kasi ichi chikaŵa chivichi? Iyo wakaŵa na phangano la Chiuta. Iyo wakumugomezga Chiuta, ndipo iyo wakachita ngati Chiuta: iyo wakakoreska ku Mazgu ghakulayizgika. Ichi . . .

¹³¹ Virimika twente-fayivi vikajumpha. Tumabuti tukazgoka yellow, kweni iyo wakasungirira ndithu utu. Sono iyo wachekura, ndipo wavukupara, ndipo iyo wali mu kawonekero kakofya; ndipo chibabiro cha Sara chakufwa mwakufikapo, ndipo iyo ndi chumba. Ndipo ndi kaŵiro uli ako iwo ŵakaŵamo!

¹³² “Kasi iwe ukupulika uli, Abraham, dada wa mitundu?” ŵabwezi ŵake ŵakujipangiska-kugomezga ŵakamanyanga kuyowoya kwa iyo.

¹³³ “Inya, uchindami kwa Chiuta, ine nkhopulika makora. Ise tiŵenge nayo mwana yura, munthowa yiriyose.” Chifukwa iyo nthu wakagwedezgeka pa phangano la Chiuta kwizira mu kuwura kugomezga; kweni wakaŵa wakukhora, kuperekanga malumbo kwa Chiuta, pakuti iyo wakaŵa wakuchichizgika mwakukwanira kuti icho Chiuta wakayowoya, Chiuta ngwamagomezgeko kuchita. Amen. Apo pali kachitiro ka wakugomezga.

¹³⁴ Kasi imwe mukuti vichi? Mukuwona? Kasi ise tikuti vichi, ŵana ŵa Abraham? Kasi ise tikumanyikwa na Mazgu gha Chiuta, ngati phangano, ndipo kachitiro kithu kakutimanyiska taŵene, kuti nadi ise tikugomezga Ichi? Panji, kasi imwe mukupangapo waka nthabwara, kuduka kufuma *apa*, na kudera *uku*, na kusika *uku*, na kusachizga, na kupangapo nthabwara, za Ichi? Ntheura, ise nthu ndise Ŵakhristu, ise tikujipanga waka kugomezga.

¹³⁵ Kweni, para ise tikuyimirira nadi ku phangano lira, kuguzira Ichi nkhanira kula na kukhala na Ichi! Abraham wakachita.

¹³⁶ Sono ise tikusanga kuti, zuŵa limoza iyo wakawona ŵanarumi ŵatatu ŵakwiza, ŵakayendanga. Baibolo likayowoya apa, “Mukaŵa mu chithukivu cha zuŵa,” kukayenera kuti kukaŵa pafupifupi muhanya pakati. Wanarumi aŵa ŵakiza ndipo ŵakayowoyanga kwa iyo. Ise tikupulika kuti ŵaŵiri ŵa iwo ŵakakhirira mu Sodom. Ine nkhuomezga ise tikayowoyapo pa ichi usiku unyake. Yumoza wa iwo wakakhalira na iyo.

¹³⁷ Muwoneni Mwanarumi uyu uyo iyo wakachema . . . uyo wakakhalira na iyo, icho Mwanarumi wakachita. Yumoza wakamanyikwa na kachitiro Kake, kuti Iyo wakaŵa Elohim.

¹³⁸ Elohim, zina lenelira lakudanga mu Baibolo, “Pa chiyambi Chiuta . . .” Sono, waliyose wa imwe ŵakusambira mukumanya kuti lizgu lira lakuti *Chiuta* kula likung’anamura, mu Chihebere, ndi “Elohim,” icho chikung’anamura, “Wankhongono zose, wakukwanira-vyose, kajilengi,” nthu wakusoŵeka wowwiri kufuma kwa waliyose, nthu wakusoŵeka kumasulira kwa munyake; wakuchita Kwake Yekha. Iyo ndi Chiuta

wakukwanira-vyose, wakusangika palipose, wakumanya vyose, wankhongono zose. Iyo ndi Chiuta.

139 Iyo wakakaŵa apo. Ndipo Abraham sono, sekuru uyu uyo wakakoreska Mazgu, wakamulaŵiska Munthu uyu. Ndipo para Munthu uyu wakati walazgira msana Wake ku hema, Iyo wakati, “Kasi walinkhu muwoli wako, Sara?”

Wakati, “Iyo wali mu hema, kunyuma Kwinu.”

140 Wakati, “Ine ndizakumuhezgerani imwe kwakulingana na nyengo ya umoyo, ndipo imwe muzamkuŵa na mwana uyu uyo Ine nkhamulayizgani imwe.”

141 Ndipo Sara wakaseka za ichi. Ndipo Yumoza uyo wakayowoyanga kwa iyo, wakamuphalira iyo icho Sara wakayowoya mu hema, kunyuma Kwake.

142 Sono, mu Genesis, imwe muŵazgenge icho. Ise tikusanga pamanyuma kuti, Abraham, pamanyuma pakuti Mwanarumi uyu wakati wajimanyiska Iyomwene . . .

143 Kasi chikaŵa chivichi? Ŵahebere, chipatulo 4, vesi 12, likati, “Mazgu gha Chiuta ngakuthwa, ngankhongono chomene kujumpha lupanga lwakuthwa kuŵiri, ghakusanda maghanoghano na madazgo gha mtima.”

144 Iyo wakamanya kuti Mwanarumi uyu wakaŵa uyu. Iyo wakamanya kuti mukawavye ŵaprofeti mu charu kweni iyo, ndipo ipo Mazgu gha Yehova ghakiza kwa iyo. Ndipo iyo wakaŵa muprofeti, ndipo apa Mazgu ghakwiza kwa muprofeti.

145 Chinthu chenechira na Yohane Mubapatizi. Ntha wakaŵako muprofeti pa virimika foru handiredi. Ine nkhekumbukira . . .

146 Panyake mulara Dokotala Davis wali muno, usiku uwu, Wamishonare wakale mupharazgi wa Baptist uyo wakandibapatiza ine mu Chipulikano. Iyo wakatemwanga kususkananga na ine. Iyo wakati, “Billy, iwe ndiwe waka mwanichi sono. Iwe ukwenera kuti utegherezge kwa ine.”

Ine nkhati, “Viri makora, M’bale Davis, ine nkhutegherezga.”

147 Iyo wakati, “Iwe wona, Yohane wakabapatizika chara. Ntheura iyo wakabapatizanga, kweni ntha wakabapatizika; ntha wakaŵako wakwenerera kuti wamubapatize iyo.” Uko ndi kusambira kuweme pa vyauchiuta ku wa Baptist. “Ndipo apa wakwiza Yesu, ndipo wakayowoya pamanyuma . . . Yohane wakati, ‘Ine nkhusoŵeka kuti ndibapatizike na Imwe; ntchifukwa uli Imwe mukwiza kwa ine?’ Ndipo iyo wakati, ‘Zomerezga ichi chikhale ntheura.’” Iyo wakati, “Ndipo ntheura para iyo wakati ‘wazomerezga’ Iyo,” wakati, “imwe wonani, ntheura Yesu wamukamubapatiza Yohane. Ndipo para Iyo wakati wazuwuka mu maji, ntheura machanya ghakajurika ndipo Iyo wakawona Chiuta mu kawonekero ka nkunda, kukhiranga na kurutanga pa Iyo, wakati, ‘Uyu ndi Mwana

Wane wakutemweka, Uyo Ine nkhutemwa kukhalamo.” Kweni, chara, ntha kususkananga na Dokotala Davis, kweni iyo wakanangiska.

148 Wonani, Yohane wakaŵa muprofeti, ndipo Mazgu nyengo zose ghakwiza kwa muprofeti. Ntheura usange Mazgu ghakazgoka thupi, Igho ghakayenera kwiza kwa muprofeti, munthowa yiriyose; chifukwa, iyo wakachitiranga ukaboni Mazgu, ndipo kachitiro kake kakamumanyiska iyo kuŵa icho. Apa ghakwiza Mazgu, sono kasi kukachitika vichi? Para iyo iyo wakati wafika waka pamaso pa Yesu, Yohane wakati, “ine nkhuayenera kuti ndibapatizike na Imwe; ntchifukwa uli Imwe mukwiza kwa ine?”

149 Yesu wakati, “Zomerezga kuti viŵe ntheura, pakuti ichi ntchakwenerera kwa ise (chikutikakamizga ise) kuti tifiske urunji wose.” Yohane pakuŵa muprofeti; Iyo pakuŵa Mazgu. Iyo wakaŵa Sembe, ndipo Iyo wakanozgekeranga kunjira mu utumiki Wake wa pacharu chapasi, ndipo Sembe yikayenera kusukika pambere yindaperekeke. Ndipo Yohane wakamubapatiza Iyo, chifukwa iyo wakamanya. “Zomerezga icho kuti kuŵe ntheura, pakuti ichi ntchakwenerera kwa ise kuti tifiske urunji wose.” Sembe yikayenera kuti yisukike pambere yindaperekeke, ndipo ntheura Yohane wakamubapatiza Iyo. Ntha wakaŵa Yesu kubapatizanga Yohane. Yohane wakamubapatiza Yesu. “Zomerezga ichi kuti kuŵe ntheura.”

150 Wonani, apa pakaŵa Abraham, ndipo iyo wakaŵa na Mazgu gha Yehova. Mazgu gha Yehova ghakiza kwa iyo. Iyo wakaŵa muprofeti. Ndipo sono apa ghakwiza Mazgu. Iyo wakamuchema iyo, “Abraham,” ntha *Abram*.

151 Mazuŵa ghachoko icho chindachitike, zina lake likaŵa Abram—wakaŵa Abram, sono ndi Abraham. Muwoli wake wakaŵa Sarai, sono ndi “Sara,” ntha S-a-r-a-i; S-a-r-a. Ntha (A-b-r-a-h-a-m) A-b-r-a-m, kweni A-b-r-a-h-a-m, Abraham.

152 Ndipo Mwanarumi uyu wakajimanyiska Iyomwene, para Iyo wakati, “Abraham!” O, mwe!

Abraham wakati, “Elohim!”

153 Apo pali Mazgu na muprofeti, pamoza, ŵanthu wose ŵawiri ŵakamanyiskika.

154 Elohim, Iyo wakati, “Kasi walinkhu muwoli wako, Sara?”

155 Wakati, “Iyo wali mu hema, kunyuma Kwinu.” Ndipo a... Pamanyuma munthondwe ukachitika. Elohim! Abraham wakamuchema Iyo, “wakukwanira-vyose, Mwenekhongo, Chiuta wankhongo zose.”

156 Yesu wakayowoya, para Iyo wakaŵa pa charu chapasi, Iyo wakachita chinthu chenechira icho Elohim wakachita. Chira chikamanyiska kachitiro Kake pakuŵa Chiuta.

157 Ndipo Iyo wakayowoya, kale, “Mu mazuwa ghaumaliro, nkhanira pa kwiza kwa Mwana wa munthu, para Iyo wakuvumbukwa, chakuchitika ichi chizamkuchitikaso, ngati ndiumo kukaŵira ku Sodom.” Elohim pakati pa ŵanthu Wake, Chiuta Mwenenkhongono! Icho ndicho Lemba likuyowoya. Elohim pakati pa ŵanthu!

158 Pa virimika fote Iyo wakhala wakutibapatiza ise na Mzimu Mutuwa, Elohim, Chiuta! Ndipo mpingo. . .

159 Wonani, Abraham wakawona chimanyikwiro chimoza, ntchemo yinyake; chimanyikwiro, ntchemo; ntchemo, chimanyikwiro; kulindizganga mwana yura waphangano. Kweni chimanyikwiro chaumaliro icho iyo wakawona, kuwonekera kwaumaliro, kumuchezgera kwaumaliro kwa Chiuta pambere mwana waphangano wakaŵa wandawoneke pamalo, chikaŵa Elohim mu thupi la munthu. Pamanyuma mwana waphangano wakiza.

160 Ndipo Mbewu ya Abraham yikulindizga Mwana waphangano, Yesu Khristu. Ndipo iwo ŵali kuviwona vimanyikwiro, kupunguka kwa Mzimu Mutuwa, kuyowoyanga malilime, machirisko Ghauzimu, na vinyake nthaura. Kweni para Mwana wa munthu wakuvumbukwa, Elohim wazamkuwereraso ku Mbewu yaufumu ya Abraham ndipo wazamuwoneska chinthu chenechira icho Iyo wakawoneska mu zuwa lira, amen, Elohim, umo kukaŵira! Chifukwa? Ichi chizamkuwa kachitiro ka Chiuta.

161 Sono, usange Khristu wakaŵa Chiuta, “Kweni kanyengo kachoko ndipo charu nthu chindiwonengeseso Ine; kweni imwe muzamkundiwona Ine, pakuti Ine ndizamkuwa na imwe, nanga ndi mwa imwe, kufika ku umaliro nkhanira, umaliro. Milimo iyo Ine nkchuchita muzamkuchita namweso.”

162 Yesu wakayowoya icho mu—mu Luka, chipatulo 17. Viri makora, para ise tikugomezga ndipo tikuwona mazuwa ghaumaliro agha, chakuchitika ichi chikwenera kuti chichitikeso.

163 Ipo, Wahebere 1:1, “Chiuta, mu nyengo zakale mwa ŵaprofeti wakajimanyiska Iyomwene, mu mazuwa ghaumaliro agha wamanyiska chiwuka cha Mwana Wake ku ŵakufwa,” pa kuchita kupereka ku Mpingo kachitiro kenekala ako Iyo wakaŵa nako, kupanga Wahebere 13:8 nkhanira ndendende.

164 Paliye mahungwa ghangamanya kufumiskikako ku icho. Agho ndi mahungwa gha nombo. Ighe ghakukhala mwakukhola, chifukwa izo ndi viyuni vya muchanya. [Pa tepi paliye kanthu—Munozgi.] . . . iwo ŵakuziryeka chakurya cha nombo.

165 Sono ise tikuwona kuti, “Mu nyengo zakale, nthowa zakupambanapambana, Iyo wakayowoya ku ŵawiskewo kwizira mu ŵaprofeti, mu mazuwa ghaumaliro kwizira mwa Mwana Wake Yesu Khristu, pa kuchita kumuwasuka Iyo ku

ŵakufwa.” Ndipo apa Iyo wali pakati pithu, pamanuma pa virimika thu sauzandi, Yesu mweneyura, ntha yumozwa wa ŵaprofeti; Yesu, haleluya, Mwana wakuwuskika wa Chiuta!

¹⁶⁶ Yesu wakayowoya, zuŵa limoza, Iyo wakati, “Muwiro uheni na uzaghali ukupenja chimanyikwiro, ndipo iwo ŵapokerenge chimanyikwiro.” Muwiro uheni ndipo uzaghali. Mphauli apo charu chikaŵa chiheni kwakuruska, panji chizaghali na chakutimbanizgika, kuruska umo ichi chiliri sono?

¹⁶⁷ “Umo kukaŵira mu mazuŵa gha Yona, apo Yona wakaŵa mu nthumbo ya somba pa mazuŵa ghatatu na mausiku, ntheura Mwana wa munthu wakwenera kuŵa mu mtima wa charu mazuŵa ghatatu na mausiku.”

¹⁶⁸ Ntheura, “muwiro uheni na uzaghali” ukayenera kuti upokere chimanyikwiro. Kasi chimanyikwiro cha mtundu uli? Chimanyikwiro cha chiwuka. Ndipo ise tiri nacho ichi muhanyauno, pamanuma pa virimika thu sauzandi, Iyo wachali wamoyo. Iyo wali pakati pithu, usiku uwu, mweneyura mayiro, muhanyauno, na muyirayira, kujimanyiskanga Iyomwene na kachitiro ka Chiuta, kuwoneskeranga Mazgu mu nyengo iyi cheneicho Iyo wakalayizga kuzakachita. Amen.

¹⁶⁹ Apo pali Mazgu. Sono kasi imwe muchigomezgenge chimanyikwiro, ndi chinthu chakurondezgako, mazuŵa ghaumaliro, kujimanyiska Kwake mwa Mwana Wake? Wonani.

¹⁷⁰ Chiuta wakayowoya kwa Moses mu nyengo zakale. Mu Deuteronomo 18:15, wakati, “Yehova Chiuta winu wazamkuwuska Muprofeti wakuŵa ngati ine.” Sono wonani. Agha ndi Mazgu. Agha ndi Mazgu. Yura wakaŵa Chiuta. Yura ntha wakaŵa Moses. Kasi Moses nthena wakachimanya uli icho. Iyo wakaŵa munthu. Kweni Chiuta, kuyowoyeranga mwa Moses, wakayowoya ichi. Kasi imwe mukugomezga icho? Viri makora.

¹⁷¹ Sono muwoneni Yesu, wonani umo Kake—kachitiro Kake kakamanyiska Mazgu ghakulayizgika agha kuŵa ghaunenesko. Iyo nadi wakachita. Iyo wakamanyiskika na kachitiro aka ako Moses wakayowoya kuti Iyo wazamkuŵa.

¹⁷² Ŵanandi ŵa iwo, ngati muhanyauno, iwo ŵakukhumba kuti ŵawone murongozgi munyake mukuru. “O, uyu ndi Dokotala Ph. *Wakuti-na-wakuti*. Iyo wali kufuma ku Hartford University.” Panji, “Iyo wali kufuma ku sukulu yinyake yikuru ngati ntheura.” Icho ntha ndi kujimanyiska kwa Chiuta. Chara, chara. Kulije kalikose za ichi. Mazgu ndigho ghakumumanyiska Chiuta. Mukuwona?

¹⁷³ Yesu ntha wakaŵa wakusambira, nesi Iyo wakaŵa musofi, nesi Iyo wakaŵa musambizgi, ku charu. Iyo wakaŵa wakugarukira, ku charu.

174 Kweni Chiuta wakukhozgeranga Mazgu Ghake kwizira mwa Iyo, cheneicho chikamupanga Iyo Emmanuel. Kula kukaŵa kujimanyiska Kwake. Sono, apa, Yesu kukumananga na ichi ndendende icho Chiuta mu nyengo zakale wakati Iyo wazamkuchita, kwizira mwa Moses, icho Iyo wazamkuchita.

175 Sono wonani para Iyo wakati wakumana na Petros, umo ise tikachiwoneskera ichi mu seŵero usiku unyake, para Iyo wakati wakumana na Petros ndipo wakamuphalira Petros ilo likaŵa zina lake. Chimanyikwiro ichi chikamanyiska vyakuyowoya Vyake vya Umesiya, kwa Petros, pakuti Mazgu ghakati, “Yehova Chiuta winu wazamkuwuska Muprofeti.”

176 Ndipo Petros wakafika, uyo wakaŵa Simon kale, wakiza uko Iyo wakaŵa. Ndipo Yesu wakamulaŵiska iyo, wakati, “Zina lako ndiwe Simon, ndipo iwe ndiwe mwana wa Jonas.” Chira chikamanyiska nkharo ya Khristu kuti wakaŵa Mazgu ghara agho Moses wakalayizga. Petros wakamanya kuti chimanyikwiro chira chikamumanyiska Yesu kuŵa Mesiya. “Chiuta wakaŵa mwa Khristu,” kuzozga mu mazuŵa ghaumaliro. Kwa Nathaniel...Kumbukirani, Iyo wakamuphalira Simon zina lake.

177 Sono, wonani, kwa Nathaniel Iyo wakamuphalira icho iyo wakachita. “Iwe ukaŵa musu mwa khuni para Ine nkhuwona iwe.” Chira chikamumanyiska Iyo kuŵa Mesiya.

178 Wakati, “Imwe ndimwe Mwana wa Chiuta. Imwe ndimwe Fumu ya Israel.” Iyo wakamanyiskika na kachitiro ka Mazgu ghakulayizgika kuti Iyo wakayenera kuŵa Mesiya. “Yehova Chiuta winu wazamkuwuska Muprofeti.”

179 Mwana kazi muchoko pa chisime, Iyo wakamuphalira iyo icho iyo wakaŵa, ndipo chira chikamumanyiska Iyo ngati Mesiya uyu wakulayizgika. Mukuwona?

180 Nkharo Yake, kachitiro Kake, vikaŵa Mazgu kumanyiskikanga. Kakaŵa kachitiro Kake kuwoneskanga kuti Mazgu wakaŵa Chiuta, nthaura yura wakaŵa Chiuta kumanyiskikanga mwa Khristu. Sono wonani ichi. Wonani.

181 Kwa Petros, Iyo wakamanyiskika kwa Petros pa kuchita kuchema zina lake. Iyo wakamanyiskika kwa Nathaniel pa kuchita kumuphalira icho iyo wakachita. Iyo wakamanyiskika kwa mwanakazi, pa kuchita kumuphalira icho iyo wakaŵa. Icho iyo...icho *Petros* wakaŵa; icho *Nathaniel* wakachita; na icho *mwanakazi* wakaŵa. Iyo wakajimanyiska kachitiro Kake ka Umesiya kuti ndiko kakayenera kuŵa kachitiro ka Mesiya.

182 Muwoneni mwanakazi muchoko wakuyowoya chinthu chenechira. “Bwana, ine nkhuwona kuti Imwe ndimwe muprofeti. Ise ntha tiri kuŵapo nayo muprofeti pa virimika mahandiredi. Ise tiri kuŵapo na matchalitchi ghanandi, kukangana kunandi na mphambano pa mabungwe, kweni ise ntha tiri kuŵapo na muprofeti pa mahandiredi gha

virimika. Ise tikumanya kuti para Mesiya wakwiza, ichi ndicho chizakumumanyiska Iyo.”

¹⁸³ Iyo wakati, “Ine ndine Iyo, uyo wakuyowoya kwa iwe.” Paliye chakukayikiska za ichi, “Ine ndine Iyo.” Chira chikamumanyiska Iyo.

¹⁸⁴ Mwanakazi na suzgo lakusulura ndopa, wakamumanya Iyo kuwa Mazgu. Uli? Na icho Iyo wakachita para chipulikano chake chikati chamukhwaska Iyo. Iyo wakang’anamuka ndipo wakati, “Ndinjani wandikhwaska Ine?” Iyo wakamanya chinyake chikachitika. Chira chikamumanyiska Yesu kuwa Mesiya.

¹⁸⁵ Iyo wakagomezga ichi, ndipo iyo wakati, “Usange ine ningakhwaska chakuvwara Chake, ine ndiŵenge makora.”

¹⁸⁶ Ntheura para mwanakazi wakati wamukhwaska waka, Iyo wakang’anamuka, wakati, “Sono ndinjani wandikhwaska Ine?” Ndipo iwo wose ŵakakana ichi. Kweni kachitiro Kake ka Umesiya . . .

¹⁸⁷ Amen! Ine nkhubomezga imwe mukuchiwona icho, gulu. Tegherezani, apo ise tikujara.

¹⁸⁸ Kula mwanakazi wakamukhwaska Iyo. Kukaŵa mahandiredi, panyake, kuyezganga kuti ŵamukhwaska Iyo. Petros wakamuchenya Iyo, wakati, “Inya, wose ŵakumukhwaskani Imwe.”

¹⁸⁹ Iyo wakati, “Inya, kweni munyake wandikhwaska Ine mwachilendo.” Uko ndi kwachilendo, ako chikupulikano chikukhwaska. Mukuwona? Wakati, “Munyake wandikhwaska Ine. Kukaŵa kukhwaska kwachilendo. Ine nangufoka. Nkhongono zafumamo mwa Ine. Kazirwiro kafumamo mwa Ine.” Sono, Iyo wayimirira apo.

¹⁹⁰ Sono, nanga ndi musambiri Wake Yekha kuyowoyanga, mu mazgu ghanyake, “Imwe mukupulikikwa—mukupulikikwa ngati kuti Imwe mukaŵa munthu munyake wakuphwanya dango. Chifukwa, ŵanthu, waliyose wakumukhwaskani Imwe.”

¹⁹¹ Wonani Kwake, wonani kujimanyiska Kwake sono. Iyo wakang’anamuka, wakalaŵiska mu chigulu. Iyo wakamuwona iyo. Mwanakazi wakatondeka kubisama munthowa yiriyose. Iyo wakamuphalira mwanakazi za kaŵiro kake, ndipo wakati, “Chipulikano chake chikamupanga iyo wamusuma.”

¹⁹² Iyo wakamanya na ichi kuti, Ŵaheberere 4:12, “Mazgu ghakusanda maghanoghano, madazgo ghake gha mtima.” Kachitiro Kake kakamumanyiska Iyo kuwa “Mazgu gha Chiuta ghakuzgoka thupi na kukhalanga pakati pithu.” Amen.

¹⁹³ Ine nkhubhanaghana chinthu chenechira usiku uwu chikumumanyiska Iyo, Yesu wakuwuskika kukhalanga pakati pithu usiku uwu, mŵeneyura mayiro, muhanyauno, na muyirayira. Sono, umo Ŵaheberere 13:8 ndi waunenesko, nkharo

Yake yimumanyiskenge Iyo muhanyauno, umo iyi yikachitira kale, kachitiro kenekala.

¹⁹⁴ Muwoneni Kleopa na iwo, pamanyuma pa chiwuka. Yesu wakajimanyiska Iyomwene umo Iyo wakamenyera chingwa chira, kuti Iyo wakachita ichi umo Iyo wakachitira ichi pambere Iyo wakaŵa wandapayikike. Ndipo iwo. . . Chira chikamanyiska kachitiro Kake, chifukwa umo ndimo Iyo wakachitira ichi.

¹⁹⁵ Sono usange Iyo wakaŵenge muno usiku uwu, kasi Iyo nthena wangujimanyiska uli Iyomwene? Ngati ndiumo Iyo wakachitira mayiro, pakuti Iyo ndi mweneyura muhanyauno, ndipo wazamkuŵako muyirayira. Uku ndi kujimanyiska. Wahebere 4, fo- . . . 14 na 15, “Iyo sono ndi. . .” Wakuti, “Iyo ndi Musofi withu Mukuru uyo wangamanya kukhwaskika na kapulikiro ka kufoka kwithu.” Iyo ndi Musofi withu Mukuru sono nthena. Pamanyuma pa chiwuka Chake, pamanyuma pa nyifwa Yake, pamanyuma pa kusungika Kwake, pamanyuma pa chiwuka Chake, pamanyuma pa kukwera Kwake, amen, iyo wakukhalirira ndithu mweneyura mayiro, muhanyauno, na muyirayira, Musofi Mukuru uyo wangamanya kukhwaskika na kapulikiro ka kufoka kwithu. Amen. Iyo ndicho wali, sono nthena, kwa mwanarumi waliyose na mwanakazi muno uyo wagomezgenge ichi. Iyo ndi Musofi withu Mukuru, mweneyura mayiro, muhanyauno, na muyirayira.

¹⁹⁶ Iyo ngwamoyo muyirayira. Kasi imwe mukugomezga icho? [Gulu likuti, “Amen.”—Munozgi.] Kachitiro Kake rutaruta kakumumayiska Iyo kuŵa mweneyura umo Iyo wakaŵira para Iyo wakaŵa pa charu chapasi. Iyo wachali wamoyo ndithu muno, usiku uwu, mu kawonekero ka Mzimu Mutuŵa. Iyo ngwamoyo muyirayira. Ndipo kachitiro Kake kakumurondezga Iyo, ngati ndiumo ichi chikachitikira nyengo zose, usange Iyo ngwamoyo ndithu.

¹⁹⁷ Ine ndine wakuwonga, usiku uwu, kuti, “Chiuta, mu nyengo zakale na nthowa zakupambanapambana wakayowoya ku ŵasekuru kwizira mu ŵaprofeti, mu mazuŵa ghaumaliro agha kwizira mwa Mwana Wake Yesu Khristu.”

¹⁹⁸ Mwe, ine nangumanya chara kuti ine nayowoya nyengo yitali nthaura. Ine nanguruwa za ichi kuŵa ngati nthaura. Ine nkhupepiska. Ine ndichitenge waka. . . Ine ndilekezenge.

Tiyeni ise tironbe.

¹⁹⁹ Ŵadada Ŵakuchanya, Chiuta mukuru wa lusungu! Fumu, ine—ine. . . panyake ine nkhuwoyoya chomene. Ine nkhuromba, Chiuta, usange ine nanguchita, Imwe mundigowokere ine. Kweni, Fumu, ine nthaningaromba chigowokero pa icho ine nanguyowoya. Ine nanguyowoya waka icho Imwe mwayowoya mu Mazgu Ghinu umu.

²⁰⁰ Sono lizgu waka panji ghaŵiri kufuma kwa Imwe, Fumu, panyake waliyose muno wachiwonenge ichi usiku uwu.

Ŵachoko, ŵanthu ŵarwari ŵachirenge para iwo ŵakuwona kuti Imwe muchali ndithu Musofi withu Mukuru. Ine nkhuromba, Fumu, mu maminiti ghachoko ghakwiza agha, kuti Imwe mupangenge Uthenga uwu wamoyo kamozaso mwanadinadi. Ku icho ine ndayowoya mwa Mazgu, nkhuromba kachitiro Kinu kamumanyiskeni Imwe pakati pithu, usiku uwu, kuti Imwe ndimwe mweneyura mayiro, muhanyauno, na muyirayira, pakuti ndi mu Zina la Yesu ise tikuromba ichi. Amen.

²⁰¹ Kanyengo waka sono. Ise, ine—ine ndachedwa pachoko waka, kweni kasi imwe mungazizipizgirapo nyengo yitaliko kuti tiŵe na pemphero lichoko la pamzere pa maminiti fifitini, twente? Usange imwe muchitenge, kwezgani muchanya woko linu, yowoyani, “Ise...” Viri makora, nkhumuwongani—nkhumuwongani imwe. Ine nangupangana namwe kuti ndimufumiskeninge imwe pa nayini-sate. Ndi nyengo yira sono; ndi maminiti twente kuti yikwane. Ntheura usange imwe mungandipa waka ine pafupifupi maminiti teni, ine ndifulumizginge nkhanira chomene.

²⁰² Tiyeni tiwone, kasi iwo ŵangupereka makadi uli gha mapemphero muhanyauno? [M’bale wakuti, “O”—Munozgi.] O? Vichi, kasi ise tikayambira pochi usiku wamara, wanu, wanu? [“Ine nkhubomezga likaŵa wanu.”] Inya, u-nhu.

²⁰³ Ndipo ntheura ise, usiku wamara, ise mbwenu... Mzimu Mutuŵa... Ine napulikizganga muhanyauno, ndipo nawerezgangapo icho chikayowoyeka. Ghanyake gha igho mazina gha Chifrenchi, ine nkhaŵa... Mzimu Mutuŵa; nthowa yekha pera ine nthena nkchachitira ichi, kulindizga waka na kulaŵiska.

²⁰⁴ Wonani, nyengo zinyake para iwe wawona mboniwoni, iyi yikwenera kuti muyiwoneseske na kuyimasulira. Iyi yikumasulirika. Mboniwoni, ngati kuti imwe—imwe mwawona a—mberera, icho panji chingang’anamura weya. Wonani, imwe mukwenera kuti muŵeso na kumasulira kwa ichi, wonani, ndipo muyiwoneseske mboniwoni yira ndipo muyimasulire iyi.

²⁰⁵ Ndipo ine nkhwona usiku wamara, ine—ine nkhatondeka kughazunura mazina ghara gha Chifrenchi, ine nkchachita kuchema spiling’i.

²⁰⁶ Mu Africa na kuzungulira kudera ku ma Hottentots na ŵambura kugomezga ŵara, na vinthu, Iyi yikazunuranga speling’i ya zina lawo makoraghene, kuŵaphalira iwo kasi iwo ŵakaŵa anjani, kulizunura ili makoraghene mu chiyowoyero chawo. Iwo, iwo ŵakamanyanga kasi ichi chikaŵa chivichi, para iwe wachema waka speling’i. Kweni, wonani, kweni Iyo wakumanya viyowoyero vyose. Iyo ndi Chiuta Wamuyirayira.

²⁰⁷ Tiyeni tiyambeko usiku uwu kufumira, tiyeni tiyowoye, sevente-fayivi, kufika handiredi, mu O. Kasi O, kasi icho ndicho iyo wanguyowoya? Ine... [M’bale wakuti, “Inya. O.”—Munozgi.]

O, O. Inya. Viri makora. Kasi ndinjani wali na kadi lapemphero sevente-fayivi, tingaliwona ise ili? Mu O, kadi lapemphero O, sevente-fayivi, kwezga muchanya woko lako, waliyose uyo wali nalo ili. Ma O. Viri makora. Zanga nkhanira kudera *kuno*. Sevente-fayivi, eyite, eyite-fayivi, nayinte, nayinte-fayivi, handiredi, zanginge kudera *uku* usange imwe mungachita. Viri makora, ili ndilo, pangani mzere nkhanira kudera uku, nkhanira mwaluŵiro, chifukwa ise ntha tiwenge na nyengo. Ine ndigomezge waka kuti imwe muchitenge ichi.

208 Laŵiskani pa kadi linu lapemphero. Laŵiskani pa kadi la pemphero la muzengezani winu. Kasi a . . . Ndipo usange munyake ngwakupundukwa, ŵatorereni iwo nkhanira mu mzere wa pemphero. Ntheura usange iwo ŵali na la O, ngati waka O, sevente- . . .

209 Sevente-fayivi kufika wanu handiredi, pangani mzere nkhanira kudera *uku*, usange imwe mungachita. Kulikose imwe muli, mu vipinda vyamuchanya, kunyake kulikose, khiririrani nkhanira pasi, ndipo fikani ku mzere mwaluŵiro umo mungachitira, usange imwe mungachita, ntheura kuti tisunge nyengo.

210 Sono mwaŵanyake mose imwe muno, imwe mulije kadi lapemphero, uli imwe mukwezge mawoko ghinu ndipo yowoyani, “ine ndirije kadi lapemphero, M’bale Branham, kweni ine nkhubomezga?” Kwezgani mawoko ghinu.

211 Sono kumbukirani, ine ndiyowoyenge kwa imwe za Musofi Mukuru. “Iyo ndi Musofi Mukuru uyo wangamanya kukhwaskika na kapulikiro ka kufoka kwithu.” Iyo ndi *Jehova-Jireh*, “sembe yakuperekeka na Yehova.” Iyo ndi *Jehova-Rapha*, “Yehova uyo wakuchizga matenda ghako ghose.” Kasi imwe mukugomezga icho? [Gulu likuti, “Amen.”—Munozgi.] Iyo ndi *Jehova-Manasseh*. *Muvikiliri*, *chiskango*, *mtende* withu, Iyo wachali. Inya, kasi mbalinga ŵakugomezga kuti mazina ghose ghara gha uwombozi ghakaŵa pa Yesu? [“Amen.”] Nadi, Iyo wakayenera kuŵa. Usange Iyo—usange Iyo . . . Chifukwa, iwo mungaŵapatula chara, ntheura Iyo wakayenera kuŵa ghose ghara. Ndipo usange Iyo wachali Jehova-Jireh, Iyo ndi Jehova-Rapha. Usange Iyo ndi Jehova-Jireh . . . Iyo ndi *Jehova-Jireh*, ndi “sembe yakuperekeka ya chiponosko,” ntheura Iyo *Jehova-Rapha* uyo “wakuchizga matenda ghithu ghose.” Amen. Machirisko ghakwiza na Chiuta pera.

212 Viri makora, apo ŵanthu ŵakupanga mzere; ine ndirije nyengo yakuti ndiwone kasi iwo mbanjani na icho iwo ŵali. Kweni sono, mose kuwaro uko imwe mukumanya kuti ine ntha nkhumumanyani imwe, kwezgani muchanya woko linu, yowoyani, “ine nkhusoŵeka Chiuta. Kweni iwe ntha ukundimanya ine, M’bale Branham, kweni ine nkhusoŵeka Chiuta. Ine ndikwezgege waka woko lane.”

213 Sono usange imwe mungakhazikika waka pa maminiti ghachoko, woneseskani, khalani tcheru, khalani chete. Sono ine nthā nkhung'anamura, para ine nkhati, "khalani chete," . . . Usange Fumu yachita chinyake, imwe mukhumbenge kuti muyirumbe Fumu; uko ndi kusopa. Kweni icho ine nkhung'anamura, "kuchimbirachimbira waka, kuyimirira," imwe mukumanya, izo ndi ntchindi chara. Mukuwona? Ndipo Mzimu Mutuwa ngwasoni chomene, ngwasoni chomene. Mukuwona? Chinyake waka ngati icho, ukundileka waka ine, ndipo ine nkhuwenera kuti ndifukafuke pamanyuma, kamozaso, wonani. Kweni usange imwe mutegherezge!

214 Imwe mukukumbukira phangano Lake lakudanga? "Wapange wanthu kuti wakugomezge iwe, ndipo ntheura khala wakugomezgeka, palije chirichose chizamkuyima kujanda lurombo lwako." Imwe mukukumbukira icho? [Gulu likuti, "Amen."—Munozgi.] Uwo mbunenesko. Ndipo icho ndi . . . Ine nthā ndiri kuchiwonapo ichi chikutondeka, ndipo ichi nthā chizamkutondeka. Ichi ndi Chiuta.

215 Sono ise tifulumirenge na pemphero la pa mzere, mwakuti ise tingamanya kuwa na wanandi umo ise tingachitira, pa kuwaghanaghanira wanthu. Kweni imwe mwaŵeneimwe muli na makadi gha mapemphero ndipo nthā mwachemeka usiku uwu, sungani kadi linu, ise timufikeninge imwe. Viri makora.

216 Sono imwe kuwaro uko mulije makadi gha mapemphero, kumbukirani. Panji, imwe kuwaro uko, kwali imwe muli na makadi ghapemphero panji chara, gomezgani waka kuti Iyo wali ngati Waheberere chipatulo 4 apa. "Iyo ndi Musofi Mukuru uyo wangamanya kukhwaskika na kapulikiro ka kufoka kwithu." Wonani usange Iyo wakukhalirira. . . Wonani usange Yehova wajiwoneska Iyomwene pakati pa wanthu Wake, ngati ndiumo Iyo wakachitira pa mazuwa gha Sodom. Viri makora.

217 Viri makora, bwana. Sono tiyeni tirombe, sono, khalani nkhanira mwantchindi. Sono kumbukirani, lizgu kufuma kwa Chiuta ndakukwanira kuruska ilo munyake waliyose wangamanya kuyowoya. Sono, munthu uyu apa, ine—ine nthā nkhumumanya iyo. Ndipo ine nkhusachizga iyo ndi . . . Iwe ndiwe mlendo kwa ine, kasi ndi ntheura, bwana? [M'bale wakuti, "Inya."—Munozgi.] Iwe ndiwe mlendo. Ise tikumanya chinthu chimoza, kuti ise tose taŵiri tikwenera kuti tizakayimirire mu Kuwapo kwa Chiuta zuwa linyake; ngati munthu, ise tikwenera kuti tizakakumane Kula. Iyi ndi nyengo yithu yakudanga kukumana.

218 Sono usange iwe wafika kuno, usange iwe warwara, ine nkhumanya chara; ichi panji chingamanya kuwa chinthu chinyake, wona. Kweni usange ine—usange ine nkhaŵika mawoko pa iwe, kuti, "Yirumbike Fumu! Ruta, ukakhale makora." Icho chiri makora. Iwe ungamanya kugomezga icho.

Kweni uli usange Iyo wangakuphalira iwe icho chanangika na iwe? Sono, wona, icho ntchakulekana, ntheura iwe ukumanya icho chikuwoneska kachitiro Kake. Wona, icho nthā chiwenge kachitiro kane. Ine ndine munthu; ine nthā ningamanya kalikose za iyo. Ine nangumuphalira waka iyo, “ine nkhumumanya chara iwe.” Iyo nthā wakundimanya ine. Kweni kasi icho chichitenge vichi? Icho chiwoneskenge kachitiro ka Yesu Khristu mweneyura mayiro, muhanyauno, na muyirayira. Kumanyanga icho nthā ndiwenge ine, nthā ningawa ine, chifukwa ine nthā nkhumumanya munthu. Ine ndikwezgenge woko lane; *apa* pali Mazgu. Mukuwona? Ine nthā nkhumumanya iyo. Iyo nthā wakundimanya ine. Kweni kachitiro ka Yesu Khristu . . .

219 Usange Yesu wakayimirerenge pano, ndipo mwanarumi, murwari, usange mwanarumi wangayowoya, “Fumu Yesu, ndichizgeni ine,” kasi Yesu wangayowoya vichi kwa iyo? “Ine ndiri kuchita kale ichi.” Ndi unenesko uwo? [Gulu likuti, “Amen.”—Munozgi.]

220 “Iyo wakapwetekeka chifukwa cha kwananga kwithu; na vitimbo Vyake ise tikachizgika.” Uwombozi wose uwo ise tingamanya kuwa nawo ukachitikira pa Mphinjika. Kufumira kula na kunthazi, ndi chipulikano, kuti tigomezge ntchito yakumarizgika. Ndi unenesko uwo? [Gulu likuti, “Amen.”—Munozgi.] Viri makora.

221 Sono, sono usange Yesu ngwamoyo, ndipo ine ndayowoya za Mazgu Ghake. . . Apo imwe muli, kuwerera ku kuphweka kula na chipulikano, kugomezganga Mazgu Ghake. Para Iyo wakati wakumana na ine usiku ula, Iyo wakati, “Iwe uzamkufika pakuchita kuti iwe uzamkumanya nanga ndi visisi vya mtima wawo. Iwo nthā wamkugomezga chimanyikwiwo chakudanga chira cha woko, iwo wakwenera kuti wazakagomezge chimoza ichi.” Mukuwona? “Iwo kutondeka kuchita icho, ntheura ndopa zikutemba charu chapasi.”

222 Ngati ndiumo ichi chikachitira mu nyengo ya Moses. Wakati, “Nthā womezgenge vimanyikwiwo viwiri vira, ntheura ukathire ndopa pasi,” wona, ukathire maji pasi, agha ghazgokenge ndopa.”

223 Sono kuti ndimanye waka. Usange ine ningamanya waka ilo ndi suzgo lako, icho chingamanya kukukhorweska na kukupanga iwe kugomezga, chichitenge ichi? [M’bale wakuti, “Nadi.”—Munozgi.] Iwe ukumanya kuti kawenge kachitiro ka Munthu uyo ine nkhuwowyoya, Yesu Khristu.

224 Mwanarumi, umo ine nangumulaŵiskira waka iyo, ngwakukhwaskika. Iyo waphimbika. Kulije chinthu icho munkhwala ungamanya kumovwira mwanarumi. Iyo wali mu kawiro kakuti wafwenge. Uwo mbunenesko. Iyo wakaŵapo na opareshoni, ndipo opareshoni yikawa opareshoni yakuŵawura chiduswa. Ndipo iyi ndi kansa, ndipo kansa yamwazikana

palipose pa iwe. Usange uwo mbunenesko, kwezga muchanya woko lako. Chiuta yekha wangamanya kumuchizga iyo. [M'bale wakuti, "Haleluya! Haleluya! Haleluya!"—Munozgi.] Kweni, wona, ine nkhuumba kuti ndiyowoye chinyake kwa iwe, bwana. Devulu yura panji wakamanya kubisama ku chimayi cha dokotala, kweni iyo wangabisama chara kwa Chiuta. Kasi iwe ukugomezga icho? Kasi iwe ukugomezga ichi? ["O! O!"] Ntheura ine nkhuromba, kuti, mu Zina la Yesu Khristu, mphanyi chinthu changumuleka iyo, nkhuromba munthu wakhale wamoyo. Kuliye; wafoka waka. Viri makora.

225 Iwe na ine tiri wâlendo kwa yumoza na munyake, mwanarumi na mwanakazi wâkumana. Sono, ngati mwanarumi, ine nthā nkhumanya iwe. Ndipo panyake, ngati mwanakazi, iwe nthā ukundimanya ine; nthā kuruska kuti iwe ukawona waka zina lane, panji chithuzithuzi, panji chinyake ngati icho. Kweni ise nthā tikumanyana yumoza na munyake. Izo ndi nkharo zithu. Ise nthā tikumanyana nkharo ya yumoza na munyake. Kweni kachitiro ka Khristu, Iyo ndi Mazgu, ndipo Mazgu ghali kulayizgikira nyengo iyi. Imwe mwangundipulika ine nkhuoyowoya za ichi. Ntheura kachitiro Kake kamumanyiskenge Iyo apa. Nthā ine kumumanyiska Iyo. Ine nkhumanya chara iwe. Iwe ukupulikiska. Lithu—gulu lithu likupulikiska icho? [Gulu likuti, "Amen."—Munozgi.] Mukuwona? Ine ndine—ine ndine munthu. Ine ndine waka m'bale winu.

226 Ngati mwanakazi pa chisime, kuyowoya chinyake icho chikaŵa chakwanangika, chinyake ntchakwanangika na iwe, panji icho iwe ukukumba, panji icho iwe uliri kuno. Rekani Chiuta waŵe mweruzgi wa icho. Iwe ukusuzgika na kaŵiro kakuchepa ndopa. Uwo ndi unenesko, ndi ntheura chara? [Mlongosi wakuti, "Inya."—Munozgi.]

227 Ine—ine kaŵirikaŵiri nkhumanya icho, munyake wakughanaghanga kuti ine nangusachizga ichi. Ine nkhusachizga chara icho. Chara. Nyengo yiriyose mu kanyengo, ine nkhuhipulika icho, munyake. Imwe mungabisa chara maghanoghano ghinu sono. Sono kuli pakunji, ine nkhumanya, wankhayiko yikuru chomene waŵiri wakhala muno. Mukuwona? Ntheura sono kumbukirani ine ningamanya kuchema zina lako, naweso, Chiuta wangachita, ntheura iwe reka kughanaghana icho. Reka ine ndikuwoneske iwe.

228 Laŵiska kuno, dona. Laŵiska kwa ine. Ine nthā nkhumanya icho Iyo wakakuphalira iwe, kweni ine—ine nkhumanya icho Iyo wali. Ndipo ako ndi kachitiro Kake kumanyiskika. Inya, ndi kaŵiro kakuchepa ndopa, ndopa, maji.

229 Sono, apa, apa pali chinyake. Wonani usange iwo wâkughanaghana uku ndi kusachizga. Uli na mwana uyo iwe ukurombera, uyo wali muno. [Mlongosi wakuti,

“Inya.”—Munozgi.] Uwo mbunenesko. Ichi chiri mu chigolomiro chake, [“Inya.”], kutupa miskati, kandukutu. Ichi chikukhumbikwa opareshoni. Ndi ntheura chara? [“Inya.”] Tora kathaulo ako ndipo wîkapo pa ichi, ndipo gomezga. [“Inya.”] Kukayika chara. Ichi ntha chikhumbikwenge opareshoni. Sono gomezga na mtima wako wose.

²³⁰ Kasi iwe uli makora? Nkhani njakuti, kwa mwanakazi uyu apa, kuti iwe ukuchita wofi na chinyake. Iwe uli na wofi kuti bamba lakubadwa nalo lazgoka kansa. U-nhu, u-nhu. Sono ruta, gomezganga, ndipo ichi ntha chamkuwa mwantheura umo. Rutanga waka, gomezganga na mtima wako wose. Kachitiro, ntha ka ine; ka Iyo!

²³¹ Kasi imwe mukugomezga sono? [Gulu likuti, “Amen.”—Munozgi.] Icho chipange waliyose wagomezge. [“Amen!”]

²³² Sono, ine nkhumanya chara iwe. Ine ndine mlendo kwa iwe. Chiuta wakukumanya iwe. Kasi iwe ukugomezga icho? Iwe ukumanya kuti ine ntha nkhumanya iwe, ndipo iwe ukumanya kuti iwe ntha ukundimanya ine, ntheura kasi iwe ukugomezga kuti Mzimu uwu uwo ukuyowoya ntha ungaŵa mzimu wane? Chifukwa, ine, ngati munthu, ine nkhumanya chara iwe. Kweni kachitiro ka Mazgu ghakulayizgika ndi Mazgu agho ngakuthwa kuruska lupanga lwakuthwa kuwîri, ndipo ghakusanda maghanoghano na madazgo gha mtima.

²³³ Iwe warwara chomene. Iwe ukaŵa na suzgo la wanakazi, leneilo likaŵa chiberekero, ndipo chiberekero chira chikaŵa na kansa. Ndipo iwe ukaruta ndipo ukapokera mankhwala ghanyake, ghakaŵa mankhwala ghakuwotcherere mkati, ndipo chinthu chekha pera igho ghakachita ndi kumbininiskira iyi palipose mwa iwe. Ndipo iwe—iwe ufwege usange Chiuta ntha wakuchizgenge iwe. Uwo mbunenesko. Kasi iwe ukugomezga sono Iyo wakuchizgenge iwe? [Mlongosi wakuti, “Inya.”—Munozgi.] Nkhuromba Chiuta wamuchenye devulu uyo wangubisama kwa dokotala. [“O!”] Iyo panji wakamanya kubisama ku mankhwala ghakuwotcherera, kweni ntha kwa Mzimu Mutuwa. Rutanga, mugomezge Iyo, sono, mlongosi. Ntha ungakayikanga munthowa yiriyose, kweni gomezga.

²³⁴ Kasi iwe ukugomezga kuti Chiuta wangamanya kuchizga kaŵiro ako ka asthma, na kukupanga iwe makora? [M’bale wakuti, “Inya.”—Munozgi.] Iwe ukugomezga ichi? Ntheura rutanga ulendo wako, sekereranga, yowoyanga, “Nkhumuwongani Imwe, Fumu. Ine nkhumomezga asthma yane yamara.”

²³⁵ Kasi iwe uli makora? Iwe uli na vinjenje. Iwe wakhala wavinjenje kwa nyengo yitali. Mkati umu, ichi chiri kupangiska chilonda cha thumbo la chakurya kuti chifike mu nthumbo yako, icho chikukupangiska iwe—suzgo lako la m’nthumbo. Ndipo

iwe ukukhumba . . . Iwe ukukhumba kuti ukarye chakurya chako chakugonera? Kasi iwe uchitenge icho ine ndikuphalirenge iwe kuti uchite? Ruta, ukarye, mu Zina la Fumu Yesu.

²³⁶ Kasi iwe ukugomezga na mtima wako wose? [Mlongosi wakuti, “ine nkuchita.”—Munozgi.] Iwe ndiwe dona mwanichi muweme-wankhongono, ukuwoneka kuwa ntheura. Kasi iwe ukundigomezga ine kuwa muteweti Wake? [“Amen.”] Kasi iwe ukugomezga kachitiro Kake kangamanya kuwa muno, kuti . . . Mazgu, Ighoghene, na phangano la nyengo iyi, “Milimo iyo Ine nkuchita imwe muzamuchita namweso”? [“Amen.”] Ine ningachizga chara. Iyo wali kuchita kale icho; kweni kachitiro Kake kakumuwoneskera Iyo, ningamanya kuphara icho chanangika na iwe. Iwe uli na suzgo la wanakazi, suzgo la wanakazi. [“Inya, bwana.”] Kasi iwe ukugomezga kuti Chiuta wachizga ili sono? [“Inya. Amen.”] Rutanga ulendo wako, ili ntha likusuzgengeso iwe munthowa yiriyose. Gomezga na mtima wako wose.

²³⁷ Kasi iwe ukundigomezga ine kuwa muteweti Wake? [Mlongosi wakuti, “Inya, bwana.”—Munozgi.] Usange Chiuta wandiphalirenge ine ilo ndi suzgo lako, kasi iwe ugomezgenge ndi kachitiro ka Yesu Khristu? Ili liri mu msana wako. Ili ntha liriposo. Rutanga, gomezga na mtima wako wose. Gomezga.

²³⁸ Zanga, dona. Iwe naweso uli na suzgo la m'nthumbo. Gomezga na mtima wako wose, ndipo ruta ukarye chakurya chako chakugonera. Ruwako za ichi. Yesu Khristu wakukuchizga iwe.

²³⁹ Zanga. Suzgo lako ndi ndopa zako. Iwe uli na matenda gha shuga. Kasi iwe ukugomezga kuti Chiuta wakupangenge iwe wamusuma na kukuchizga iwe ku icho? Rutanga pa ulendo wako, ndipo yowoya, “Nkhumuwongani Imwe, Fumu Yesu,” wakukupanga iwe wamusuma. Ruta, gomezga na mtima wako wose.

²⁴⁰ Zanga. Msana wako, kasi iwe ukugomezga kuti Chiuta wachizgenge msana na kukupanga iwe wamusuma? Rutanga ulendo wako, ndipo sekerera, na kuti, “Nkhumuwongani Imwe, Fumu Yesu.”

²⁴¹ Iwe naweso ukaŵa na chinyake chakwanangika na msana wako. Rutirira waka kuyendanga, yowoyanga, “Nkhumuwongani Imwe, Fumu. Ine ndachira.” Gomezga ichi na mtima wako wose.

²⁴² Iwe naweso ukaŵa na suzgo la msana. Kasi iwe ukumanyapo vichi za icho? Gomezga na mtima wako wose sono, ndipo rutanga ulendo wako ndipo ukakhale makora. Gomezga Yesu Khristu wakuchizga iwe. “Usange iwe ungagomezga, vinthu vyose ndi vyamachitiko.” Viri makora.

²⁴³ Uli usange ine ntha nkhayowoyenge chinyake kwa iwe; nkhiyenge waka kufupi na kuwika mawoko pa iyo, kasi imwe

mukugomezga kuti iyo nthena wanguchira? Iwo wakuwona icho chanangika. Kasi imwe mukugomezga iyo nthena wanguchira? Zanga kuno. Ine nkhuchikana chiwanda ichi, mu Zina la Yesu Khristu. Nkhuromba nkhangono ya Chiuta yimuchizge mwana. Amen. Kukayika chara, kukayika chara munthowa yiriyose, ndipo iyo waŵenge makora. Gomezga na mtima wako wose.

244 Usange Chiuta ntha wakukuchizga iwe, iwe uzamkuyendera ndodo zuŵa linyake, chifukwa cha kuphwanyanya marundi. Kweni iwe ukugomezga kuti Chiuta wakuchizga kuphwanyanya kwa marundi ghako? Ntheura rutanga, yowoya, “Nkhumuwongani Imwe, Fumu. Ine nkhumugomezgani Imwe, ndipo Imwe mwandichizga ine.” Viri makora.

245 Zanga sono. Ichi nadi ndi msinkhu wako. Iwe ukuchita vinjenje chomene. Ukuchita vinjenje chomene, cha kumise chomene. Para iwe ukugwira ntchito na chirichose, iwe ukuchita vinjenje chomene. Iwe ukugomezga sono? Ichi ntha chikusuzgengeso iwe munthowa yiriyose. Rutanga ulendo wako, yowoyanga, “Nkhumuwongani Imwe, Fumu Yesu.”

246 Zanga, bwana. Kasi iwe ukugomezga kuti Chiuta wakuchizga suzgo la mtima? [M'bale wakuti, “Inya.”—Munozgi.] Wapangenge mtima wako kukhala makora? Rutirira waka kuyendanga, yowoyanga, “Nkhumuwongani Imwe, Fumu. Ine nkhumomezga na mtima wane wose.”

247 Chiuta wakuchizga TB, ndipo wakukupanga wamusuma, naweso. Kasi iwe ukugomezga icho, bwana, na mtima wako wose? [M'bale wakuti, “ine nkhumomezga ichi.”—Munozgi.] Viri makora. Rutanga pa ulendo wako ndipo sekereranga, yowoyanga, “Nkhumuwongani Imwe, Fumu Yesu.”

248 Kasi iwe ukuti vichi kuwaro uko, kasi iwe ukugomezga? Mukuti uli gulu? Wanji ŵa imwe mu gulu mukugomezga sono.

249 Mwanarumi uyu wakhala nkhanira apa, wali na chikhoso, kasi iwe ukugomezga kuti Chiuta wachizgenge suzgo la chikhoso? Viri makora, iwe ungamanya kupokera icho iwe waromba, ntheura. Amen.

250 Kuchimbira kukuru kwa ndopa, wakhala nkhanira kunyuma kwa iyo kula. Kasi iwe ukugomezga kuti Chiuta wachizgenge kuchimbira kwako kukuru kwa ndopa? Uku kwakuleka iwe, bwana. Ine ntha nkhumumanya iyo, ntha ndiri kumuwonapo iyo mu umoyo wane.


251 Yowoya, bwana, kasi iwe ukugomezga kuti kunyuntha kula mu minofu yako, kunjenjema kwakunyuntha kwa minofu, kasi iwe ukugomezga kuti Chiuta wapangenge ichi makora? Iwe ukuchita? Kwezga muchanya woko lako usange iwe ukuchita. Viri makora.

²⁵² Muwoli wako wakhala apo, iyo wakusuzgika na suzgo la misempha ya ndopa. Kasi iwe ukugomezga ili lakuleka iwe, naweso, mlongosi?

²⁵³ Dona wakhala nkhanira kunyuma kwithu kula, wali na kuphapa kwa misempha. Kasi iwe ukugomezga kuti Chiuta wachizgenge kuphapa kwako kwa misempha, dona?

²⁵⁴ Apa pali dona wali na chikhoti chichoko, wavwara chikhoti chiswesi, apa. Iyo wakhala uko. Iyo wali na suzgo la misempha ya ndopa, nayoso. Kasi iwe ukugomezga kuti Chiuta wachizgenge suzgo lako la misempha ya ndopa? Kwezigga muchanya woko lako, usange iwe ukugomezga ichi.

²⁵⁵ Walipo munyake muno wakugomezga kuti kachitiro ka Yesu Khristu kali pakati pithu, usiku uwu, kwezigga muchanya woko lako, yowoya, “ine nkhuomezga ichi.” [Gulu likusekerera ndipo likuti, “ine nkhuomezga ichi!”—Munozgi.]

²⁵⁶ Mose imwe muli muno, mumuzomerenge Iyo ngati muchiriski winu, yimirirani pa marundi ghinu, ndipo yowoyani, “ine nkhuomezga ichi.” Kwezigani muchanya. Yimirirani, kufuma mu mipando yinu, chirichose chiriko. Yesu Khristu mweneyura mayiro, muhanyauno, na muyirayira. Ine nkhumupereka Iyo kwa imwe, mu Zina la Fumu Chiuta. 

CHIUTA KUJIMANYISKANGA IYOMWENE
NA VYAKUCHITIKA VYAKE CTK64-0320
(God Identifying Himself By His Characteristics)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Chikhonde kumise, Marichi 20, 1964, Denham Springs High School, mu Denham Springs, Louisiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na wa Voice Of God Recordings.

CHITUMBUKA

©2017 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org